



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

P1885

6149.

Q-478

9/10/5 - 32p

2972

4118

3347



12 002

2010

2

61q.
2-470.
u.u.

2239
3319
6-19

ԾԱՂԿԱՀԱՏՈՒԹԵԱՆ

ՀՆԱՐՈՂԸ

Դ Օ Ք Տ Օ Ր Ջ Է Ն Ն Ե Ր

№ 2749

47-10

ԹԱՐԳՄԱՆԵՑ

ՏԻԿ. ՄԱՐԳԱՐԻՏ.

Центральная Библиотека



ՀԱՅԿԱՍՏԱՆԻ ԿՈՄՍՏԱՆԻ ԿՆԵՍԱԿԱՆԱԿԱՆ ԳՐԱԴԱՐԱՆ

ՄՈՍԿՈՒԱ

ՏՊԱՐԱՆ ՄԿՐՏԻՉ ԲԱՐՈՒՈՒԴԱՐԵԱՆԻ.

1890

Ն Ո Ւ Է Ր

Дозволено Цензурою. Эчміадзинъ, 6 Іюня 1890 г.

ԴՕՔՏՕՐ ԱԻԵՏԻՔ ԲԱԲԱՅԵԱՆԻՆ.



39666 ա.հ.

ՎՁԴԳ.

ԾԱՂԿԱՆՏԱՏՈՒԹԵԱՆ ՀՆԱՐՈՂԸ

ԴՕՔՏՕՐ ՁԷՆՆԵՐ

Ա.

Մեծ անունների կարգում, որ յայանի են Համաշխարհային պատմութեան մէջ, դժբաօր Ձէնների անունը բռնում է ամենապատուաւոր տեղերից մէկը. բայց, չնայելով դորան, այդ անունը աններելի կերպով մոռացուած է: Մենք շատ բան գիտենք Գուտտէրերգի, Փրանկլինի, Ստէֆենսօնի մասին. կարող ենք պատմել մի քանի բան Գալիլէօսի, Կոպէրնիկոսի, Նիւտօնի մասին. ծանօթ ենք Կոլումբոսի և Բարտօլոմէոսի գիւտերի հետ. մէկ խօսքով մեր յիշողութիւնը սուրբ կրպակէ նոցա անունները, որոնք այսպէս թէ այնպէս մարդկային ցեղը առաջ են մղել, ցոյց տալով նորան նոր ճանապարհներ խաւարից



(390) 227.84-Ա
40

դէպի լոյս: Բայց Ջէնների մասին մենք կրքէք չենք լսում և չենք կարգում: մենք ոչինչ չգիտենք նորա մասին, չնայելով որ այդ անունը պէտք է յիշենք և արտասանենք ամենաջերմ շնորհակալութեամբ. այդ անունը կրողը մարդկութեան այն ամենամեծ բարերարներից մէկն է, որոնց ողորմած երկինքը ուղարկում է ժամանակ առ ժամանակ՝ երկրիս վերայ մարդկային թշուառութիւնները պակասացնելու համար: Ամբողջ ցեղեր պարտական են Ջէններին իրենց կեանքը և առողջութիւնը. Ջէնների զիւտը այնքան բարերար է, որ նորա առաջ հանդում են ուրիշ շատ զիւտեր, որոնք առեկ են իրենց ստեղծողներին համաշխարհային և յաւիտենական փառք:

Իօքտօր էդուարդ Ջէնները հնար դատւ պաշտպանելու մարդիկներին մի սարսափելի վարակիչ հիւանդութիւնից, այն է ծաղկից: Հիմայ օգտուելով այդ զիւտից, մենք երևակայել չենք կարող թէ առաջուան ժամանակները ծաղիկը որչափ փաստում էր մարդիկներին: Ամբողջ բնակութիւններ ջնջվում էին երկրիս երեսից. ամբողջ գաւառներ, որտեղ այդ սարսափելի վարակումը տարածվում էր, համարեա՛ թէ անմարդաբնակ էին դառնում: Հիւանդութիւնը անսպասելի էր երևում: յանկարծ առանց պատճառի հիւանդանում էին մի քանի մարդիկ, և այդ բաւական էր, որ վարակումը հաստատուէր և արագ

սկսէր տարածուել: Ծաղկի առաջին անգամ երևալիս, ժողովուրդը սարսափի մէջ ցրուեց և այդ հիւանդութիւնը տարածեց իրեն զիւղերի և քաղաքների սահմաններից շատ հեռու: Ծաղիկը ոչ ոքի չէր խընայում, բայց առանձին ուժով փաստում էր երեխաներին: Բաւական էր, որ մարդ մի անգամ միայն հիւանդին մօտենար և արդէն վարակվում էր. ասում են թէ վարակուողի գոլորչին և շնչառութիւնը նրա փաստում էին հիւանդութեան տարածուելուն. ծաղիկը դառնում էր էպիդեմիա (հանրախա, համաճարակ ցաւ). զարմանալի արագութեամբ զօրանում էր և օրէ ցօր լայնացնում էր իւր իշխանութեան սահմանը:

Մտածելու հիմք կայ, որ մարդիկ ծաղկին ծանօթ էին դեռ ամենահին ժամանակները: Մեր ձեռքն հասած հին հեղինակների զրուածքների մէջ շատ անգամ յիշվում է այդ սարսափելի վարակիչ հիւանդութեան մասին, որը շատ ժամանակ դատարկել է ամբողջ գաւառներ և, ինչպէս այդ նկարագրուած է, դատելով նշաններից, չպէտք է կասկածել, որ ծաղիկն է: Սյրպէս, Թուկիդիդէս յոյն պատմիչը իւր «Պելոպոնեսեան պատերազմի պատմութեան» մէջ նկարագրում է այն ախտը, որը այն ժամանակ ծովով եթովպիայից բերուած էր և մի և նոյն ժամանակ ասում է. «մարդիկ հիւանդանում էին յանկարծ ա-

ունց պատճառի. զլին մէջ զգում էին տաքութիւն,
աչքերը բորբոքվում ու կարմրում էին, լեզուի և
քմբի վերայ տրւն էր երևում: բերանից վառ հոտ
էր դալիս. յետոյ սկսվում էին դողը և երեսի դուրս
տալը, կրծքում և ստամոքսում ցաւ, մաղձի թա-
փուէլ և ազդակութիւն. շատերը զկռտում էին, և
ցաւ էին զգում աղէքների մէջ. բայց արտաքուստ
մարմինը տաք, կամ զունաս չէր լինում: մի քանի
հիւանդների մարմինը կարմրում էր, կապտում էր և
ծաղկում էր մանր վէրքերով. վարակուողը թուլու-
թիւն չէր զգում և պահպանելով բոլոր ուժերը,
պատահում էր, որ մեռնում էր եօթերորդ կամ ին-
ներորդ օրը. ով որ այդ միջոցին հիւանդութեանը
յաղթում էր, յետոյ ենթարկվում էր ներքին զու-
ճարանների ամենասաստիկ բորբոքման, իսկ ով որ
առողջանում էր, ամբողջ կեանքում անպատճառ
պահպանում էր հիւանդութեան նշանները ձեռքերին,
ոտքերին, իսկ երբեմն զրկվում էր տեսողութիւնից:
Մէկ անգամ արդէն այդ հիւանդութիւնն ունեցողը
էլ չէր վախենում նորա կրկնումից. այդպիսի մար-
դուն անուանում էին բաղբաւոր և յաջողակ»: Տիտոս
Լիվիոս հռոմէացեցի պատմիչը նոյնպէս յի-
շում է վարակման մասին, որը միակերպ հարուս-
ժում էր մարդիկներին և ընտանի կենդանիներին:
Այդ նոյն հիւանդութեան մասին վկայութիւններ

կան մի քանի արաբացի հեղինակ բժիշկների մօտ,
որոնք այդ հիւանդութեան դէմ ոչ մի հնար չիմա-
նայով, զիտէին միայն, որ նա չէ կարող երկու անգամ
կրկնուէլ մի և նոյն մարդու մէջ:

Ծաղկեր, ինչպէս հիւանդութիւն, վերջնականապէս
որոշուէց մեզ աւելի մօտ ժամանակներում: Դադա-
րեցին շփոթել այդ ցաւը ուրիշ վարակիչ ախտերի
հետ և սկսեցին միջոցներ գործ դնել նրա դէմ մը-
ցելու համար. այդ միջոցների նպատակն էր խանդա-
րել վարակման տարածուելուն. հիւանդներին բա-
ժանում էին առողջներից, վարակուած կողմերը
դնում էին առանձին հսկողութեան տակ և այլն.
պատահում էր որ խն դ՛ վարակուածներին տանում
էին զիւղից կամ քաղաքից հեռու. տալիս էին նոցա
քիչ ուտելիք և թողնում էին բաղբի բերմանը: Բայց
այդ զգուշութիւնները մեծ մասով հեռեանք չունե-
ցան. վարակումը տարածվում էր իրան կարգով և
տանում էր չափազանց զոհեր: Անցեալ և այս դա-
րու սկզբի մի քանի տարիները նշանաւոր են ծաղիկ
հանրախտի առանձին հարուածներով: 1818 թուին
չափազանց մնասուէց Անգղիան. ժողովուրդը հազար-
ներով մեռնում էր. բոլոր հիւանդանոցները լիքն
էին վարակուածներով. հիւանդութիւնը զօրանում
և տարածվում էր զարմանալի արագութեամբ. ա-
մենքի վրա սարսափ ընկաւ, կառավարութիւնը զը-

լուխը կորցրեց, տեսնելով այն միանգամայն անպէտք միջոցները, որ նա զործ էր դնում վարակման դէմ մրցելու համար:

Այդ սարսափելի ցաւը ոչ ոքի չէր ինայում. նա միակերպ մտնում էր և՛ հասարակ դասի խրճիթները և՛ իշխանների բնակարանները և՛ թագաւորի պալատը: Յունուարի 18-ին, 1730 թուին ծաղկից մեռաւ Մոսկուայում ուսաց նորահաս թագաւոր Պետրոս Բ. Աստուածայայտնութեան օրը, նա ծաղկով հիւանդացաւ. ասում են վարակուել էր իւր ընկեր իշխան Դոլգորուկից և 12 օր տանջուելուց յետոյ պատանի թագաւորը 15 տարեկան հասակում զնաց յաւիտենականութիւն: Նոյն վիճակն ունեցաւ և զաղիացոց թագաւոր Լիւդովիկոս Փե., որ վարակուել էր ծաղկով 64 տարեկան հասակում: Այն ժամանակ համոզուած էին, որ ծաղիկը չէ կրկնվում. կարծում էին, թէ մարդ զորանով մի անգամ հիւանդացած լինէր, կարող էր իրեն միանգամայն այդ ցաւից ամբողջ կեանքը ապահովուած համարել: Մեծ մասով այդպէս էլ լինում էր, բայց դժբախտաբար բացառութիւններ էին պատահում, որոնցից մէկն էր և Լիւդովիկոսը. նա 14 տարեկան հասակում ծաղիկ հանել էր, այդ պատճառով, երբ 50 տարուց յետոյ նորից կրկնուեց, սկիզբը բժիշկներից ոչ մէկը չէր կարող կարծել, որ այդ հիւան-

դութիւնը ծաղիկ էր: Բայց մի և նոյն ժամանակ թագաւորն անկասկած մեռել է ծաղկի վարակումից:

Ճշմարիտ է, որ ծաղկից ամենքը չեն մեռնում. շատերը յաղթում և կենդանի են մնում. բայց այդ բաղաւորները մեծ մասով ամբողջ կեանքում ունենում են սարսափելի վարակումի նշանները. երեսը ծածկվում է կարմրութեամբ և չէչով, ծաղկի խոցերը շատ անգամ ապականում են ուռնագները, թերթերունքները և այլն. այդ հիւանդութիւնը շատ անգամ փաստում է թոքերին և թոքբախտ է յառաջացնում. խլայնում է, տեսողութիւնից զրկում է: Լծնդօնի կոյրերի խնամարկութեան տան հաշուէտուութիւնից, որ տպուած էր այս դարու սկզբներին, երևում է, որ բոլոր կոյրերից, որոնք մնում են այն տան մէջ, երեք քառորդը զրկուած են տեսողութիւնից շնորհիւ ծաղիկ հիւանդութեան: Դորանից կարելի է ենթադրել, թէ որչափ վեշտ, թշուառութիւն և տանջանք մտցնում էր այդ հիւանդութիւնը մարդկային կեանքի մէջ և որչափ անսիրտարիներէ ծախսեր ու զրկանք ունեցան տէրութիւնն ու ընտանիքը:

Բ.

Էդուարդ Ալեքսանդր Տնաւ մայիսի 17-ին 1749 թուին Անդրդիպուս, Գլոսեաստերի կոմսութեան մէջ, Բերկլէյ գիւղում: Նորա հայրը մի Հին ցեղեց էր հոգեոր կոչումով. և այն ժամանակուայ համար բաւական կրթուած մարդ էր: Գծրախտաբար նա մեռաւ, երբ Էդուարդը հազիւ թէ Հինգ տարեկան էր. նա մնաց միանգամայն որբ, որովհետեւ մօրից դեռ յառաջ էր զրկուել: Հօր անզը բռնեց մեծ կղբայրը, որի հսկողութեան տակ անցաւ Ալեքսանդրի երեխայութիւնը: Ութ տարեկան հասակում նորան տուին մտակայ ծխական դպրոցը, որտեղ և առաւ իւր առաջին կրթութիւնը. այդտեղ աւարտելուց յետոյ նա գնաց Զոգբիւրի կոչուած գիւղը Բրիտանիայի շրջակայքում մէկ հմուտ բժշկի մօտ և սկսեց նորա առաջնորդութեամբ ուսումնասիրել բժշկութիւնը: Բնական զիտութիւնը և բժշկութիւնը կարծես դեռ կանուխ հասակից Ալեքսանդրի պարագմունքի սիրելի առարկաներն էին: Ալեքսանդրի Զոգբիւրիում մնալու մանրամասնութիւնները ավստօս որ մենք չունենք: Այդ երեւելի մարդու կեանքը մեզ յայտնի եղաւ շնորհիւ նորա ընկեր Զօն Բարօնի, որ ունէր Ալեքսանդրի նամակները և նորա թողած յիշատակարանները, և

որը անձամբ մօտիկ ծանօթ էր նորան, կողմէլ էր բաւական մանրամասն նկարագիր իւր երեւելի ընկերոջ կեանքի մասին. բայց այդ զրքի մէջ համարեալ ոչ մի անդեկութիւն չկայ Ալեքսանդրի երեխայութեան մասին. այդ կարելի է բացատրել նորանով, որ Բարօնը իւր ծանօթութիւնը և ընկերութիւն Ալեքսանդրի հետ սկսել է այն ժամանակ, երբ նա արդէն հասակն առած էր, և որ Էդուարդի երեխայութիւնը չէր ներկայացնում ոչ մի երեւելի, աչքի ընկնող բան, որ այսպէս թէ այնպէս կարողանար ազդել նորա սպաւազայ բաղբի վերայ, և կարողանար ունենալ մի որ և է յարաբերութիւն նորա կեանքի գլխաւոր խնդրի հետ. հակառակ դէպքում Բարօնը կր յիշէր այդ հանգամանքների մասին. նա պէտք է այդ զիտեմար, ունենալով սերտ յարաբերութիւն ինչպէս Ալեքսանդրի, այնպէս էլ նորա մօտիկ ազգականների հետ:

Ուսումնասիրելով բոլորը, ինչ որ կարող էր գիտենալ մի գաւառացի բժիշկը, քսանե Հինգ տարեկան Ալեքսանդր, փափագելով զիտութեան, գնաց Լօնդօն, այնտեղ նորան յաջողուեց անդաւորուել յայտնի բնագէտ Գէնտերի մօտ, որը այն ժամանակ Ս. Գէորգեան Հիւանդանոցի բժիշկն էր: Գէնտերը իւր ճօն զիտութիւնները, մանաւանդ համեմատական անատոմիան, ուսել էր ինքն իրեն միմիայն իւր անխոնջ աշխատանքով: Հիւանդանոցում կատարելով

բժշկի պաշտօն, նա մի և նոյն ժամանակ և գլխաւոր զինուորական բժիշկ էր. նա ուսանողների համար կարգում էր դասախօսութիւններ, հսկում էր իւր տան մէջ հիմնած գործնական անատոմիայի վարժարանին և մի և նոյն ժամանակ միջոց էր գտնում կենդանիների վերայ փորձեր անելու և շատ կարեւոր ու գիտնական յօդուածներ հեղինակելու. նա օրական միայն հինգ ժամ էր քնում: Հասկանալի է, որ երիտասարդ Ձէնները շուտով հպատակուեց իւր երեւելի ուսուցչի ազդեցութեանը, որի ձեռքի տակ նա եռանդով պարագում էր բնական գիտութիւնների մասով և երկու տարուայ ընթացքում, որ անցուցել էր Գէնտերի մօտ, ահագին յառաջադիմութիւն արեց գիտութեան այդ ճիւղում:

Շուտով Ձէնների անունը ինչպէս բնագէտ յայտնի եղաւ անգլիական գիտնականների շրջանում: այնպէս որ, երբ 1772 թուին յայտնի ծովագնաց Կուկը պատրաստուում էր իւր երկրորդ պտոյան անելու աշխարհի շուրջը, Գէնտերը խորհուրդ տուեց Ձէններին իրեն հետ տանելու իբրև գիտնականի: Կուկը ուրախութեամբ համաձայնեց, բայց Ձէնները վճռողարար մերժեց այդ պատուաւոր առաջարկութիւնը, աւելի լաւ համարելով խաղաղ պարագիւղ գիտութեամբ իւր հայրենիքում: բայցի դորանից հիմայ նորա մէջ հասունանում էր մի մեծ միտք, որի կա-

տարման համար նա յետոյ փչացրեց իւր բոլոր ամենայաւ ուժերը և շատ տարիների աշխատանքը լի ծանր մրցումներով և տանջանքներով:

Հնդկոսում վերջացնելով իւր կրթութիւնը, Ձէններ վերադարձաւ հայրենիք, սկսեց պարագիւղ բժշկութեամբ, որը շատ արագ յառաջ գնաց: Ձէնների կեանքի այդ շրջանը ամենաբաղդաւորն էր. նա շատ ընկերներ ունէր. բոլորը սիրում էին նորան իւր ուրախ, բարեսիրտ ու պարզ բնաւորութեան համար. Ձէնների խօսակցութիւնը վերին աստիճանի կենդանի և խրատական էր, մանաւանդ երբ խօսք էր լինում բնութեան երեւոյթների մասին, որը նա չափազանց սիրում էր և զիտէր լիակատար: Սյստեղ Ձէնների կեանքը անցնում էր հանգարտ ու խաղաղ, չզիտենալով դեռ այն յուզմունքները, որ ապագայում վիճակուած էր նորան կրելու: Սյն ժամերին, երբ ազատ էր լինում բժշկի պարտականութիւնից, նա շարունակում էր եռանդով պարագիւղ բնական գիտութեամբ: Թափառում էր շրջակայ այլ տեղերում, ուսումնասիրելով նոցա կենսական կազմակերպութիւնը. կենդանիների վերայ գիտողութիւններ էր անում, մանաւանդ նոցա ձմեռուան քնի վերայ. ուսումնասիրում էր թռչունների բարքը. այդ բանի մէջ շատ էր օգնում նորան իրեն եղբոր որդին՝ ձենրիկօսը. Փիլիքական փորձեր էր անում: Մէկ անգամ

Հասարակութեանը զուարճացնելու համար շինեց մինչև անդամ օգտագործիկ, լցնելով նորան սաք օդով, (մօնօգործեր): Առհասարակ, չնայելով դաւառական կեանքի շատ անյարմարութիւններին, մանրութեանը, շրջապատող սգիտութեանը և դոտարկութեանը, Ձէնները կարողացաւ լաւ տեղաւորուել մի մոռացուած անկիւնում և խելացի կերպով անցնել իւր ժամանակը: Անդադար աշխատելով գիտութեան և բժշկութեան վերայ, նա դանում էր ժամանակ յարգելու և արուեստը. այդ միջոցին են գրուած նորա մի քանի ոտանաւորները, որոնց բովանդակութիւնները համարեա միշտ առնուած են բնութիւնից: Ձէնները շատ էր սիրում երաժշտութիւն և նուազում էր մի քանի երաժշտական գործիքների վերայ. նորա հսկողութեան տակ կազմվում էին երգելի և նուազածու խմբեր, որոնցով Հիանում ու յափշտակվում էր սակաւապահանջ տեղացի հասարակութիւնը:

Մարտի 6-ին 1788 թուին 39 տարեկան հասակում Ձէնները ամուսնացաւ և շատ բաղդաւոր էր իւր ամուսնական կեանքում: յաջորդ տարուայ յունուարին նա ունեցաւ մի տղայ, որի անունը դրին Էդուարդ:

Գ.

Դեռ այն ժամանակ, երբ Ձէնները բժշկութիւն էր սովորում Զօգբիւրիում, մէկ անգամ նա շատ զարմացաւ մի գիւղացու կնոջ խօսքերից, որ եկել էր Բէնտերի մօտ խորհուրդ հարցնելու իւր հիւանդութեան համար. բժիշկն ասաց, որ նորա հիւանդութիւնը ծաղիկ է, բայց կինը բոլորովին չէր համաձայնում այդ կարծիքին, ասելով, որ նա ստաջ ունեցել է կովի ծաղիկ և այդ պատճառով միանգամայն ապահովուած է բնական ծաղկից: Նիւանդը այդ ասում էր այնպէս համոզուած, կարծես թէ բացատրում էր ամենքին արդէն վաղուց յայտնի մի անվիճելի ճշմարտութիւն: Այդ կնոջ խօսքերը խորը թափանցեցին Ձէնների յափշտակուող գրութիւնը: «Կովի ծաղիկը, մտածում էր նա, անհամեմատ թեթեւ է բնականից, մարդկայինից և տանելի է առանց դժուարութեան ու հեռեանքների. համարեա օրինակներ չկան, որ մարդ նրանից մեռած լինի. և եթէ այդ, ինչպէս հաւատացնում է կինը, պահպանում է իսկական կործանելի ծաղիկից, արդեօք կարելի չէ նորան արուեստական կերպով արծարծել մարդկային կազմուածքի մէջ, որպէս զի նա ամբողջ կեանքում անվտանգ մնայ ծաղկի վարակումից»: Այսպէս,

13210 / 40
 22784-60



առաջին անգամ հանդէս եկաւ այդ մեծ հարցը, որի լուծումը յետոյ անմահացուց Բօրկլէացի համեստ գիտնականին:

Գնալով Լօնդօն, Ջէնները իւր կասկածները կովի ծաղկի մասին յայանեց Գէնաերին, որը շատ ուշադիր եղաւ իւր աշակերտի մտքերին և խրախուսեց նորան այդ հարցի լուրջ հետազոտութիւններն անելու: Ջէնները այդ առարկայի մասին խօսեց Լօնդօնի և միւս բժիշկների հետ, բայց նոքա նայում էին այդ հարցի վերայ շատ անտարբեր. ուղիղ է, նոքա լսել էին, որ ծաղկի թոյնը չի կաշի նորան, ով որ կով է կլթում: նոքա մինչև անգամ տեսել էին այդպիսի օրինակներ, բայց մի և նոյն ժամանակ եղել են և դէպքեր, երբ բնական ծաղիկը երևացել է և կովի ծաղկից յետոյ. ուրեմն, բժշկները վճռեցին, չարժէ շատ մտածել այդպիսի դատարկ բաների վերայ:

Բայց չնայելով այդ կարծիքներին, Ջէնները չէր թողնում իւր նուիրական միտքը. վերադառնալով հայրենիք, նա սկսեց ուշադրութեամբ հետեւել և հարց ու փորձ անել ազարակներում և զոմանոցներում, որտեղ պահվում էին շատ եղջերաւոր անասուններ, կովի ծաղկի մասին: Սյտեղ երկար ժամանակուայ ընթացքում հաւաքուել էին շատ զանազան աւանդութիւններ և պատմութիւններ այդ յտի ազդեցութեան մասին, բայց մի և նոյն ժամա-

նակ այստեղ ամեն մի վեր տուած վէրք, որ երբեմն անցնում էր անասունից կթողներին, ընդունվում էր կովի ծաղկի տեղ, թէև ոչ ամեն վեր տուած ապահովում էր բնական ծաղկի վարակուովից: Սյդ պատճառով, Ջէնները ամենից առաջ պէտք է պարապէր անասունների մէջ եղած թունաւոր հիւանդութիւնների հետազոտութեամբ և սովորէր զանազանել իսկական կովի ծաղիկը կեղծից: Նա շատ աշխատեց այդ առարկայի վերայ. նայում էր, ուսումնասիրում էր, ծաղկի վէրքերի պատկերները նկարում էր և վերջապէս հասաւ իւր նպատակին. միայն վէրքին նայելուց, նա կարող էր որոշել, թէ այդ կովի ծաղիկ է, թէ՞ որ և է ուրիշ բան: Բայց այդ ժամանակ ծագեց նոր դժուարութիւն. զուրս եկաւ, որ և իսկական կովի ծաղիկը ոչ միշտ պահպանում է բնականից. եղել են դէպքեր, որ կով կլթող կանայք, թէև հանել են կովի ծաղիկ, բայց յետոյ վարակուել են և բնականով: Կրկին պէտք եղաւ մտածել, նայել և հետազոտել:

Երկար խուզարկութիւններից յետոյ Ջէնները եկաւ այսպիսի եզրակացութեան, որ ծաղիկը կովի պտուկի վերայ անպատճառ պէտք է ունենայ մի յայանի հասունութիւն, որպէս զի նորա միջև թարախը, վարակելով մարդկային կազմուածքը, կարողանայ նորա մէջ երեցնել պահպանողական ոյժ.

Հակառակ դէպքում նա միայն տեղական զրգոմունք է յառաջացնում:

Այդ բոլոր հետազոտութիւններն անելով, Ձէնները շատ անգամ խօսում էր իւր գաւառացի ընկերների հետ իրեն զբաղեցնող առարկայի մասին, աշխատելով նոցանից որ և է տեղեկութիւն հաւաքել: Բայց նոքա կովի ծագիլի մասին գիտէին միայն, ինչ որ լսել էին, այնպէս որ ոչ մի նորութիւն չէին կարող հաղորդել Ձէններին. նոքա մինչև անգամ խոյս էին տալիս այդ տեսակ խօսակցութիւնից. նոցա զրգոմում էր Ձէնների հետազոտութիւնը ծագիլի վերաբերութեամբ. իրենց ազիտութեամբ և ձեւականութեամբ նոքա այդ համարում էին յանդուզն մարդու անպէտք գործ: Առհասարակ այդ յետ ընկած էսկոլապները չէին սիրում Ձէններին թէ նորա համեստ կեանք վարելու և թէ մշտական գիտութեամբ պարապելու համար: Պատահում էին բաւական անհաճոյ ընդհարումներ. մէկ անգամ թշնամութիւնը հասաւ այն տեղ, որ նոքա առանց հանաքի սպառնային արսորել Ձէններին իրենց շրջանից:

Առանց վերաւորուելու այդ բանից Ձէնները շարունակեց պարապել իւր գործով. նա գեռ չէր տարածայնում իւր հետազոտութիւնների նպատակը. նա կամենում էր առաջ բաղմակողմանի ուսումնասիրել առարկան, որպէս զի յետոյ ներկայացնէր նո-

րան ընկերութեանը բոլորովին մշակած, անվիճելի և անկասկածելի կերպով: Մեծ դիւարը հասունանում էր և լցնում էր Ձէնների սիրտը արօխումով և ուրախութեամբ:

Մէկ անգամ մի մայիսուան օր, 1790 թուին, Ձէնները իւր ընկեր Գարգների հետ ձիով դնում էր Բրիտաոլիայի ճանապարհի վերայով: Եղանակը հիւսալի էր. տեսարանները մէկը միւսից զմայլեցուցիչ էին, քանի նոքա առաջ էին դնում. ճանապարհը կրեմն ստուերաւոր անտառի միջից էր անցնում, բրտեղից բուրում էր գարնանային ծաղիկների անուշահոտութիւնը և թռչունների ուրախ գայլայլելիք: Բնութեան գեղեցկութիւնը, մայիս օրուան դուրեկանութիւնը, գուարձալի զբօսանքը, բարեկամի ընկերութիւնը և միայնակութիւնը. այդ ամենը այնպէս լարեցին Ձէններին պարզասիրտ լինելու, որ այդտեղ առաջին անգամ նա վճռեց բանալ իւր գաղանիքը: Նա սկսեց խօսել կովի ծագիլի մասին, նորա պահպանողական ուժի և նորան տարածելու կարելիութեան մարդիկների մէջ, որպէս զի նոքա ապահով մնան ծագիլի վարակումից, խօսեց իւր կրկար տարիների այդ հարցին վերաբերեալ հետազոտութիւնների ու աշխատանքների մասին. այն մասին, թէ հիմայ շուտով այդ գործը վերջանալու վերայ է, և թէ կասկած չի մնալ, որ կարելի է փրկել մարդկու-

Թիւնը այդ ամենամեծ չարիքից. յետոյ նա խնդրեց Գարդնէրին առ այժմ չտարածայնել այդ մասին, անդէք չապու համար ծաղրերի և անտեղի բամբասանքի, որոնք կարող են հասարակութեան մէջ յարուցանել նախապաշարմունք:

Անցաւ էլի մի քանի տարի, որոնց ընթացքում Ջէնները չէր դադարում աշխատել անխոնջ իւր գիւտի վերայ: Վերջապէս միանգամայն համոզուելով, որ իւր եղրակացութիւնները ճշմարիտ են, նա վրձուց գործով այդ փորձել: Մայիսի 14-ին 1796 թուին ծաղկահաստութեան տուածին փորձն եղաւ, այսինքն մարդու ծաղիկը պատուաստելու կովի ծաղկով: Ջոն Փիպս ութ տարեկան տղայի թուերին Ջէնները երկու երկու փոքրիկ ճեղք արեց և նոցա մէջ ածեց մի-մի կաթիլ թարախ առած Սարա Նելսն անունով մի կնոջ թուի ծաղկի վերքերից, որը պահում էր կովեր և վարակուել էր կովի ծաղկով: Այդ կերպով կովի ծաղկի թոյնը լցուց մարդկային կազմուածքի մէջ, որպէսզի արուեստական կերպով նորա մէջ գոյանայ կովի ծաղիկը: Ամեն բան այնպէս եղաւ, ինչպէս որ սպասում էր Ջէնները. տղան հիւանդացաւ այն սովորական ցաւերով, որ կովի ծաղկից են առաջ դալիս, այսինքն թեթե տաքութիւն, անդային գրութիւն, վերքերի դուրս տալ, տաղտկութիւն և այլն, և ցաւերը անվնաս անցնում էին մի

քանի օրից յետոյ: Փիպսը բոլորովին առողջացաւ: Բայց հիմայ մնաց խմանալու ամենապղտաւորը, թէ արդեօք նա ապահովուած էր իսկական վարակութից: Այդ հարցը վճռելու և միանգամայն համոզուելու համար իւր տեսական եղրակացումների մէջ, Ջէնները գործ դրեց մի սարսափելի միջոց, այն է՝ յուսիս ամսին նա առաւ արդէն իսկական ծաղկով հիւանդի թոյնի թարախը և լցրեց այդ նոյն տղայի թուի մի քանի ճեղքերի մէջ, այսինքն գիտմամբ վարակեց նորան այդ սարսափելի հիւանդութեամբ: Գորանից յետոյ Ջէնները երեք տանջանքով լե՛ օրեր անցուց. նա իւր վստահ փորձի հետեանքներին էր սպասում: Եթէ իսկական ծաղկի թոյնը չներգործէ այն կազմուածքի վերայ, որը արդէն կովի ծաղկով հիւանդ է եղել, այն ժամանակ նորա խնդիրը վճռուած է, զիւտը կը հաստատուի արդէն ամուր հիմքի վերայ, բայց եթէ... Ջէնները սպասում էր տևողային անհամբերութեամբ:

Անցաւ մէկ օր, վարակումը չկրկնուեց, անցաւ էլի մէկ տանջանքով լե՛ երկար օր, որի ընթացքում Ջէնները իւր հոգեկան բոլոր ոյժերով հեռուում էր տղայի առողջութեանը և դարձեալ Փիպսը անվնաս մնաց: Եթէ այդ ժամանակ տղան պատահմամբ մըսէր և զգար տաքութիւն, կամ ծանրութիւն զըլխումը, Ջէնները անշուշտ կը խելագարուէր. նորա

բորբոքուած, յուզուած ուշադրութեանը այդ տա-
քութիւնը անպատճառ վարակման ներգործութիւն
կերեւէր: Բայց բարեբաղդաբար այդ չպատահեց. նոյն-
պէս անփնաս սկսուեց և վերջացաւ երրորդ օրը,
հիւանդութիւնը չերեաց: Կարելի է երեակայել Ձէն-
ների ուրախութիւնը: Հիմայ ապացուցեց գործով,
որ նա չէ սխալուել և որ նորա աշխատանքները
զուր չանցան: Մի քանի օր Ձէնները անցկացրեց մի
առանձին տեսակ հրձուանքի մէջ, լցուած ու ճին-
շուած բաղաւորութեամբ:

Այդպէս կատարուեց մարդկային դիտութեան ա-
մենաբարեբար դիւտերից մէկը: Կատարուեց նա, ինչ-
պէս մենք տեսանք, ոչ յանկարծ, այլ երկար հետա-
դատութիւնների, խուզարկութիւնների ու փորձերի
ճանապարհով: Շատ եռանդ և անասելի աշխատանք
գործ դրուեց այդ գործի վերայ և այդ պատճառով
հեղինակը աւելի արժանի է մեր զարմանքին ու
յարգանքին:

Դ.

Չպէսք է կարծել, որ Ձէններից առաջ յայտնի
չէր այդ արուեստական վարակումը. ընդհակառակն
իսկական ծաղիկը մէկ մարդուց միւսին տալը՝ պա-
տուաստաման միջոցով, արդէն վաղուց գործ էր

գրվում եւրոպայում: Այդ միջոցը Կ. Պօլսից բերել
էր բժիշկ Տիմօնին, որը և հրատարակեց Անգղիա-
յում 1714 թուին: Անգղիական դեսպանի կինը
տիկին Մօնաեզիւ առաջինն եղաւ, որ փորձեց այդ
իւր որդու վերայ 1717 թուին, իսկ յետոյ աղջկայ
վերայ 1722 թուին: Այդ գործողութիւնը, որ ա-
նուանվում էր ինօկուլեացիա, այն էր, որ առողջ
երեխայի և հասակն առած մարդու թեւի ճեղքերի
մէջ լցնում էին թարախի կաթիլներ, որ առնում
էին իսկական ծաղիկով հիւանդից. երեւում էին վա-
րակումի նշանները, բայց անհամեմատ քիչ քան թէ
այն դէպքերում, երբ հիւանդութիւնը ինքն իրեն էր
յառաջ գալիս: Հիւանդը մեծ մասով լուանում էր
և այդ ժամանակուանից կարող էր չվախենալ վա-
րակումից: Առաջին ութ տարուայ ընթացքում այդ
միջոցով պատուաստեցին 845 մարդ, որոնցից միայն
17 (այսինքն $\frac{1}{50}$ ամբողջ թուի) չգիմացան ինօկու-
լեացիայի հետեանքներին և մեռան, այն ինչ ծաղ-
կից սովորաբար մեռնում էր հիւանդների ութերորդ
մասը: Ըստ երեւոյթին այդ արդէն բաւական թե-
թեւութիւն էր: Բայց իսկապէս այդպէս չէր դուրս
գալիս: Բանն այն է, որ մարդուն ինօկուլեացիա անե-
լիս, պատուաստվում է ծաղիկի վատ տեսակը, որից
պէսք է բժշկուել, որովհետեւ նորա նշանները վը-
տանդաւոր են և կարող են շատ տխուր հետեանքներ

ունենալ. այդ դործողութեանը պէտք է առաջնորդէ
ոյժից ձգող պահեցողութիւնը, որպէս զի նախապատ-
րաստէ կազմուածքն և նորան աւելի ընդունակ անէ
վարակման: Բացի այդ՝ հիւանդը պատուաստուած
ճաղկից հեշտութեամբ կարող էր վարակել իւր շըր-
ջապատողներին և տարածել այդ հիւանդութիւնը
այն տեղերում, որտեղ առաջ նորա մասին լսած
անգամ չէին: Այդպէս էլ եղաւ: Բժիշկ Գեբերդէնի
հաշուով անցեալ դարու վերջին 30 տարին, այ-
սինքն այն ժամանակ, երբ ինօկուլեացիան յաճախ լի-
նում էր Լճուգոնում, տարեկան հազար բնակչից 95
մարդ մեռնում էր ճաղկից. այն ինչ մինչև այդ պա-
տուաստման միջոցը մտցնելը նոյն թուից մեռնում
էր միայն 70 մարդ: Իորանից պարզ երևում էր, որ
ինօկուլեացիան, օդնելով մինչև մի որոշ աստիճան
առանձին ամեն մի մարդու՝ սպասուելու ճաղկի վա-
րակումից, մի և նոյն ժամանակ նպաստում էր և
տարածուելուն:

Ներկայումս ճաղկի այսպէս պատուաստուելու մի-
ջոցը բոլորովին թողնուած է. բայց Զէնների գիւտից
առաջ աւելի լաւ միջոց չկար պաշտպանուելու ճաղկի
թոյնից. նորանով օգտվում էին շատ յայտնի մար-
դիկ և թագակիր անձինք: Այդպէս՝ ուսաց թագու-
հի Եկատերինա Բ. հոկտեմբերի 12-ին 1768 թուին
պատուաստեց իրեն ճաղկը ինօկուլեացիայի միջոցով:

Այդ արեց բժիշկ Դիմարյալը, որպէս զի պատուաս-
տումը և հիւանդութիւնը գաղանկը մնաց և չվա-
րակէ շըջապատողներին, թագուհին հէ՛նց միւս ա-
ռաւօս գնաց Յարսիօէ Սելօ, որտեղ և մնաց մինչև
նոյեմբերի 1, այսինքն մինչև բոլորովին առողջանալը:
Մեզ հասաւ մանրամասն նկարագրութիւնը հիւան-
դութեան բոլոր այն նշանների մասին, որ թագուհին
կրել էր արուեստական ճաղկով վարակումից, թէև
անվնաս անցաւ ամեն բան և թագուհին փորձելով
իրեն վերայ ինօկուլեացիայի ազդեցութիւնը և նորան
վտանգաւոր չհամարելով, հէ՛նց Պետերբուրգ վերա-
դունալու օրը հրամայեց ինօկուլեացիա անել թագա-
ժառանգ Պաւել Պետրովչին:

Ե.

Հիմայ մնում է Զէններին տարածել իւր բարե-
բար գիւտը և այդ անել բոլոր մարդկութեան սե-
փականութիւն: Հաստատ հաւատացած լինելով, որ
իւր գիւտը կ'ազատէ աշխարհիս մէկ ամենամեծ
թշուառութիւնից, նա եռանդով ձեռք զարկեց իւր
այդ երկրորդ, համարեա՞ թէ ամենադժուար գործի
վերջանալուն:

Յունիսի 21-ին 1798 թուին Զէնները հրատարա-

կեց մի փոքրիկ բրօշուկ «Կովի ծաղիկ ազդեցութիւնը և պատճառների հետազոտութիւնը», որի մէջ և պատմել էր իւր զիւտի մասին. նա սկիզբը կամենում էր այդ հեղինակութիւնը ապել «Գիտութիւնների արքայական ընկերութեան երկասիրութիւնների մէջ». բայց այդ չընդունուեց նորա համար, որ նա իբր թէ բովանդակում էր իրեն մէջ յանուզն և անհաւատալի մտքեր:

Իւր «հետազոտութիւնների» մէջ Ձէնները այսպիսի միտք է առաջ բերում: մարդու հեռանալը բնութիւնից ստեղծել է նորա մէջ շատ հիւանդութիւններ, որոնց նա բոլորովին ծանօթ չէր իւր բնական վիճակի մէջ. նոյն վիճակն ունեցել են և մի քանի կենդանիներ, որոնք շատ հին ժամանակուանից եղել են մարդիկների կենակիցներն և վայրենութիւնից անցնելով դէպի բնասնի վիճակը, նոքա ենթարկուել են նոր հիւանդութիւնների և մի և նոյն ժամանակ ծաղիկի. յետոյ այդ հիւանդութիւնը անցել է մարդուն, բայց ամենավտանգաւոր կերպով: Պատուաստելով թարախը, որ առնվում է կենդանիներից, մենք զարթեցնում ենք մարդու մարմնի մէջ ամենաթեթև հիւանդութեան սկզբի տեսակը, բայց մի և նոյն ժամանակ ոչնչացնում ենք հսկումը դէպի ծաղիկ ամենախտանգաւոր տեսակը:

Այդ բրօշուրը շատ մեծ ապաւորութիւն գործեց

անզղեական հասարակութեան վերայ և այդ հասկանալի է. մինչև հիմայ ոչ ոքի մտքից չէր անցել կենդանուց առնել ծաղիկը և նորանով պատուաստել մարդու, որպէս զի նա պաշտպանուած լինի վարակումից և յանկարծ մի որ և է դաւառական բրժիշկ սկսում է համոզել հասարակութեանը ընդունելու նորա զիւտը և անյապաղ օդտուելու նորանից: Ամենուրեք գործադրուելու իրաւունք ստանալուց առաջ, Ձէնների նոր առաջարկութիւնը պէտք է մրցէր այն ժամանակուայ հասարակական տղիտութեան և նախապաշարմունքի հետ: Ծաղրածութիւններ էին թափվում, հանդէս էին դալիս զուէշտական պատկերներ, մինչև անգամ այն ժամանակ յայանի բժիշկ Մօզէլէյը հակառակեց Ձէնների զիւտին. «Ի՞նչ դուրս կըլան այդ նորելուկ բաներից, զրեւ էր նա. ինչո՞ւ համար այդ անասնական ախտերը շփոթում են մարդկայինի հետ. մի՞թէ ուզում են մեզանում ստեղծել ձիւտներ, ինչպէս են յուշկապարիկները կամ այլ հրեշները և այլն»:

Մի և նոյն ժամանակ հասարակական ուշադրութիւնը սաստիկ լարուած էր: Ամեն տեղից լսվում էին աս ու լիններ, խօսակցութիւններ և վէճեր նոր զիւտի մասին: Իսկ Ձէններն այդ ժամանակ քնած չէր. աւելի եռանդով քան առաջ նա պարսպում էր իւր նուիրական գործով. նա հասկանում էր, որ իւր

զիւտի բազրը վճռուելու բոպէն հասել է. պէտք էր դորձ դնել բոլոր հնարքները, որպէս զի հէնց հիմնց ապացուցանէ մարդիկներին ծաղկահաստութեան նոր միջոցի ազատարար ոյժը:

Բարեբաղդաբար բժշկների միջից շուտով երեւցան Ձէններին համակրողներ: Ամենից առաջ համոզուեց զիւտի օգտակարութեանը Լօնդօնի բժիշկ Կլայնը, որը խորհուրդ տուեց Ձէններին դնալ Լօնդօն, խոստանալով նորան ոսկի լեռներ այդ նոր արհեստի շնորհիւ: Բայց Ձէնները պատասխանեց. «Մինչև հիմայ իմ կիանքիս ճանապարհի վերայ ես չեմ որոնել բարձր տեղեր. սիրել եմ միշտ դաշտավայր, քան թէ լեռ. մի՞թէ հիմայ, երբ մօտենում է իմ կիանքիս երեկոն, ես կ'երթամ որոնելու հարստութիւն և փառք»: Եւ նա մնաց զիւղում:

Բժիշկներն սկսեցին խուզարկութիւններ և հետազօտութիւններ անել. նոցանից մէկը, Պիրսօն անու-նով, նամակագրութիւն սկսեց համարեա թէ ամբողջ Անգլիայի հետ կովի ծաղկի ազդեցութեան մասին մարդու վերայ, և ամեն տեղից ստանում էր տեղեկութիւններ, որոնք հաստատում էին Ձէնների զիւտը. այսինքն այն մարդիկը, որոնք վարակուած են եղել կովի ծաղկով, իրենց ապահովուած են համարում իսկական ծաղկի վարակումից: Մէկ ուրիշ բժիշկ, Վուզիլ անունով, գտաւ կովի ծաղկի Լօնդօնին

մօտ մի ագարակում և շտապեց այդ մասին հաղորդել Ձէններին՝ «Ես մէկ հիւանդ կովից առայ թարախ և հէնց նոյն օրը նորանով պատուաստեցի 6 մարդ. միւս օրը ես նկատեցի նոցանից մէկի վերայ գեղեցիկ ծաղկի վէրքեր, որոնցից առայ թարախ փոքրիկ ունեւիով և պատուաստեցի էլի մի քանիսին հիւանդանոցում»:

Ձէնների նկարած ծաղկի վէրքերի պատկերները շատ ուղիղ էին:

Բիչքիչ ամենքը սկսեցին մասնակցել Ձէնների զիւտին: Մէկ անգամ բժիշկ Պիրսօնը նորան գրեց. «Ձեր անունը մարդիկների յիշողութեան մէջ կ'ապրի այնքան, մինչև որ շնորհակալութեան և յարգանքի զգացմունքը դէպի իրենց բարերարները չմեռնի նոցա սրտում»:

Եւ այդպէս ամեն բան ըստ երևոյթին խոստանում էր արագ յաջողութիւն Ձէնների զիւտին. բայց ճակատագիրը կամեցաւ կարգադրել ուրիշ կերպ. սարսափելի դժբախտութիւններ հասան այդ զիւտին և արգելք եղան մի քանի ժամանակ ծաղկահաստութեան տարածուելուն:

Յանկարծ Ձէններին լուր հասաւ, որ Լօնդօնում բժիշկ Վրլզվիլի փորձերը չեն յաջողուել. նա այդ փորձերն արել էր հիւանդանոցում, (որը հաստատուած է մասնաւորապէս մարդիկների ծաղիկը կրտսերու համար) այն մարդիկներին, որոնք միշտ բնական ծաղիկով վարակուած օղի ազդեցութեան տակ էին: Այդ հանգամանքը բնական է, որ առաջ բերեց շատ ամենատուր հեռեանքներ. կովի ծաղիկ յատկութիւնը փոխուում էր իսկականի ազդեցութեան տակ. այդ պատճառով Վրլզվիլի պատուաստած անձինքն ունեցան բոլոր այն տանջանքների նշանները, որ ունենում են իսկական ծաղիկով վարակուածները. նոցա վերայ դուրս սուեց շատ ծաղիկ վէքքեր (200-ից մինչև 300), յնցումներ էին առաջ գալիս, փսխում էին և այլն:

Այդ քիչ էր. Ձէնները ստացաւ Լօնդօնից իւր եղբոր որդուց մի նամակ այս բովանդակութեամբ. «Շտապեցէ՛ք գալ այստեղ. ձեր ներկայութիւնը անհրաժեշտ է. ձեր դասիկները կամենում են ուրիշները իրենց սեփականել. — բժիշկ Պիրսօնը գրաւոր դիմել է բոլոր բժիշկներին, առաջարկելով նոցա կովի ծաղիկ թարախը և համոզելով վերցնել այդ միայն

իրենից, որովհետև միայն ինքը ունի թարմ և հասունացած թարախ. բացի այդ՝ նա կարգացել է և հասարակական դասախօսութիւններ կովի ծաղիկ մասին և այդպէս հասարակութեան աչքին յայտնել է իրեն իբրև հիղինակ այդ զիւտի: Ծպաւորութիւնը մեծ է: Ձեր ընկերները խորհուրդ են տալիս շուտով պաշտպանուել:

Ձէնները անյապաղ գնաց Լօնդօն: Ամենից առաջ նա զիմեց Վրլզվիլին, որը և պատմեց իւր փորձերի մասին. դուրս եկաւ, որ այդ բժիշկը պատուաստել է 200 մարդու և որ ծաղիկը վարակիչ է եղել. նա առած է եղել թարախը այն հիւանդների ծաղիկ վէքքերից, որոնք հիւանդանոցումն են եղել և պատուաստուած են եղել կովի ծաղիկով: Ձէնները սարսափի մէջ ընկաւ: Հասկանալի է, որ պատուաստումը լինում էր թարախով, որը հիւանդանոցի օղի մէջ կորցրել էր կովի ծաղիկ յատկութիւնը և դառել էր իսկական վարակիչ: Եւ այդ Ձէնների զիւտի տեղն էր ընդունվում: Իսկ Վրլզվիլը անբաւական լինելով իւր անյաջող փորձերի տարածուելու համար, յունիսին 1800 թուին հիւանդանոցի հաշուի մէջ հաստատում էր, որ կովի ծաղիկը յաճախ ստանում է ամենափասանգաւոր հիւանդութեան կերպարանք. և այդ պատճառով խորհուրդ է տալիս՝ չմրայնել այդ ծաղիկահաստութիւնը հիւանդանոցում, որ-

տեղ առաջ ծաղկից մեռնում էին աւելի քիչ:

Ի՞նչ կարծիք, որ այդպիսի խորհուրդը հասարակութեան վերայ այն ապաւորութիւնն արեց, որ բոլորովին ձեռնտու չէր Ձէններին: Իսկ այդ ամէնը նորանից էր ծագել, որ անսիրձ Վրւղվիլը օգտուել էր կամ խառն ծաղկի թարախով, կամ բոլորովին վարակիչով, և ոչ թէ մաքուր կովկնով. նորա հիւսնդանոցում այդ տեսակը գտնել անհնար էր:

Ձէնները եռանդով պաշտպանվում էր, փաստեր առաջ բերելով. բայց հաւատը դէպի նա տասանվում էր, մանաւանդ որ նոր միջոցով պատուաստել չկարողանալու չարիքը արագ տարածուեց նոյնպէս և շնորհիւ Պիրսօնի, որը կովի ծաղկի կերպով ուղարկում էր Անդղիայի զանազան տեղեր նոյնպիսի վարակիչ թարախ, որպիսով օգտուել էր Վրւղվիլը: Միայն Պետօրսում 14 մարդ ստացել են նորանից ծանր հիւանդութիւն:

Լօրդ Էդրեմօնտը, որին սաստիկ զբաղեցնում էր Ձէնների գիւտը, խնդրեց նորան բացատել այդպիսի տարօրինակ երևոյթի պատճառը: Ձէնները պտտասխանեց. «Այդ չարիքը նորանից է ծագել, որ Վրւղվիլը իւր հիւանդանոցում իսկական ծաղկով պատուաստել է մի քանի մարդիկների, բայց չթողնելով, որ բոլորովին հասունանայ հիւանդների մէջ, նա երբորպէ, թէ հինգերորդ օրը պատուաստել է նորանով

բնական ծաղկեր. այն էլ, միւսն էլ բռնել են և այդ պատճառով հիւանդների ծաղկի վերքերի թարախը արդէն մաքուր կովի ծաղկի չէ եղել, այլ խառն, ուրեմն և վարակիչ: Բացի այդ՝ ծաղկի սկզբնական թարախը կարող էր ուղղակի փչանալ հիւանդանոցի վարակուած օդի ազդեցութիւնից, և ահա՛ այդպիսի ծաղկով օգտուել է Վրւղվիլը. նա էլ հէնց ուղարկել էր դաւառ, մինչև անգամ և ցամաքի երկիրները, որովհետև Պիրսօնը բացի այդ հիւանդանոցից ուրիշ աղբիւր չուներ, որտեղից կարողանար ստանալ ծաղկի թարախը, ընդունելով նորան իսկականի տեղ: Ես աշխատեցի զսպել նորան, բայց զ՞ուր: Վրւղվիլը և և Պիրսօնը ոչ մի անհրաժեշտ զգուշութիւն չէին դործ դնում, որ այդպիսի դէպքում ամենակարեւորն է: Ոչ թէ միայն փչացած թարախից հեշտ է վարակուելը, այլ և բժշկական ունելից, որով պատուաստում են բնական ծաղկեր»:

Այդ ժամանակին է վերաբերում և բժիշկ Պիրսօնի պախարակելի վարմունքը, որ վերին աստիճանի վերաւորեց Ձէններին: Դեռ 1799 թուին, կրբ Ձէնների զիւտը արդէն յայտարարուած էր և հեղինակին խոտտանում էր շատ օգուաններ, Պիրսօնը մտածեց կազմակերպել մի առանձին հաստատութիւն ծաղկահատութեան համար և հաւաքելով մի քանի համախոհներ, կազմեց ընկերութեան կանոնադրութիւնը

և պատրաստուեց ձեռնամուխ լինելու զործին: Ի հարկէ նորա նպատակն այն էր, որ իւր ձեռքն առնի, որքան կարելի է շատ, նոր ծաղկահատութեան զործադրութիւնը և զորանից ահազին օգուաներ ստանայ: Յայտնելով իրեն ընկերութեան նախագահ, Պիրսօնը յանդգնեցաւ զիմելու Ջէններին, որ նա լինի կողմնակի աշխատակից, այսինքն այդ հաստատութեան թղթակից: Նա մի և նոյն ժամանակ զրել էր. «Ես կարծեմ, ինձ դժուար չի լինիլ մերոնց համոզելու», որ ձեզ ընդունեն... ձեր կոչումը մեզ համարեա ոչ մի ծախսի տակ չի ձգի. ամեն մէկ մասնակցող վճարում է տարեկան մէկ զինէյ, աւել չէ. բայց ես կարծեմ, որ ձեզ կարելի կըլինի ազատել և այդ տուրքից, որովհետեւ դուք երեւի մեզ հիւանդներ չէք ուղարկիր»: Ջէնները, թէև շատ զրուեց այդ յանդգնութեան համար, բայց պատասխանեց շատ համեստ դարձուածներով: Ահա թէ ի՞նչ զրեց նա. «Ձեր նամակը, խոստովանում եմ, ինձ շատ զարմացրեց. ինձ քիչ տարօրինակ է թւում, որ այդ հաստատութիւնը հիմնուելով ծաղկահատութեան համար, կազմուել և սարգուել է առանց իմ զիտութեան: Ինքն ըստ ինքեան պէտք է որ այդ ինձ համար շատ պատուաբեր լինի. անկասկած ապացուցուելով իմ զիւտի նշանաւոր լինելը, հիմայ ընդունում են բարձր ձիրքերի տէր մարդիկ. բայց մի

և նոյն ժամանակ թոյլ տուէք ինձ ասել, որ կթէ ծաղկահատութիւնը մի որ և է անուշադրութիւնից վատ կըք ունենայ, (և համաձայնեցէք, որ նա արդէն շատ դէպքերում արժանացաւ արհամարհանքի), այն ժամանակ բոլոր կեղտը ինձ վերայ կ'ընկնի. նա ոչ մի կերպով չի ընկնի ձեզ, կամ ձերոնցից մէկի վերայ, որոնց, ինչպէս լսել եմ, հաւատացել էք բրժըշկական մասը: Գործի այդ դրութիւնը աւելի ես զգալով, քան որ և է մէկը, անհրաժեշտ եմ համարում իմ ներկայութիւնս Լօնդօնում: Բայց այս անգամ թոյլ տուէք մերժել ձեր առաջարկած պատիւը»:

Այդ շրջանը, 1789 թուից մինչև 1801-ը, Ջէնների կեանքի ամենածանր ժամանակն էր: Չափազանց շատ կար խռովութիւն, անյաջողութիւն, ահաճութիւն, բայց և այդ ծանր ժամանակ լինում էին քաղցր ըոպէներ, որոնք քաջալերում էին Ջէններին, նորան եռանդ տալով, որ անհրաժեշտ էր մեծ գործի համար: Ամենից թանգ էր համակրանքը իրեն զիւտի վիճակին: Այդպէս՝ նա ստացաւ մայրաքաղաքում 33 ամենայայանի բժիշկներից վկայական, որ նոքա անպայման ընդունում են կովի ծաղիկն իբրև լաւ միջոց, որը պահպանում է բնական ծաղկի վարակումից: Այդ իսկ ժամանակ նորան ներկայացրին թագաւորին և թագուհուն, որոնք արժանացրին նորան իրենց

ուշադրութեանը: Կլեարէնս դուքսի հետ նա շատ անգամ խօսակցում էր ծաղկահաստութեան տարածուելու հնարքների մասին. դորա հետեանքն այն եղաւ, որ Ջէնները կազմեց մի առանձին հաստատութեան նախագիծ, որի նպատակն էր տարածելու ծաղկի պատուաստման միջոցը:

է.

Ամեն մի բարերար գիւտ վաղ, թէ ուշ անպատճառ պէտք է ստանայ իւր իրաւունքները և բերէ այն օգուտը, ինչու համար որ ստեղծուել է: Ջէնները ուրիշ հեղինակներից աւելի երջանիկ էր. բողոքը նորան սուել էր մի առանձին առաւելութիւն ապրելու մինչև այն ժամանակ, երբ նորա գիւտը յայտնի եղաւ համարեա՞ ամբողջ աշխարհին և պարզեց իրեն հնարողին անհամար դափնիներ և ընդհանուր օրհնութիւն: Եւ մեռաւ ուրախ գիտակցութեամբ, թէ այն պարաքը, որ Ստեղծողը դրել էր իրեն վերայ, լիապէս կատարուած է:

Չնայելով ազէա բժիշկների կողմից անհամար արգելքների և այն ժամանակուայ հասարակութեան նախապաշարմունքներին, ծաղկահաստութիւնը արագ յառաջդիմութիւններ էր անում: Թէև Ջէնները ապ-

րում էր համարեա՞ առանց մեկնելու իրեն բնակութեան տեղեց, բայց ամեն տեղ ունէր թղթակիցներ, մինչև անգամ Ամերիկայում և հնդկաստանում: Նորա գիւտի լուրը շուտով տարածուեց բոլոր երկրիս վերայ: Կարճ միջոցում նա շատ զիանական ընկերութիւնների անդամ եղաւ. իսկ Ամերիկայի համալսարանը ուղարկեց իրաւաբանութեան դօքտօրի արածնագիր: Գեռ 1800 թուին պահպանողական ծաղկի միջոցը մտաւ Ամերիկական նաւատորմից մէջ և Ջէնների անունով և նորա պատուի համար ձուլեցին մեզալ: Հէնց այն ժամանակ Անգղիական տէրութիւնը շոգենաւ ուղարկեց, որ անցնելով Միջերկրական ծովը, տարածեց ծաղկահաստութիւնը Ալբարտարում, Մայօրկում, Մալտայում և Նէպոլում:

1800 թուին յունուարին Ջէնների հետադասութիւնները թարգմանուեցան գաղղիերէն, (յետոյ սպաներէն, գերմաներէն, հոլանդերէն, լատիներէն, ռուսերէն և չինարէն և այլն). Փարիզում բացուեց ծաղիկ-պատուաստելու մի կենդանական հիւանդանոց, իսկ Գաղղիայի միւս քաղաքներում ընկերութիւններ կազմուեցին նոյն նպատակով: Երբ Ջէնների կղբօր որդին Զօրջը Փարիզում էր, նորան այնտեղ զրկաբաց ընդունեցին և նորա պատուին փառաւոր դահլիճնում ձաշ սարգեցին. պատի վերայից կախուած էր դափնիներով զարդարուած անմահ Ջէն-

ների» պատկերը այս խօսքերով. «viro de matribus, de pueris, de populis bene merito.» (բազմերախա մարդուն՝ մայրերից, մանուկներից և ազգերից):

Ճաղկահատութիւնը Փարիզից անցաւ Սպանիա:

1801 թուին Ձէնները Կոպէնհագէն ուղարկեց ծաղկի թարախից, ուր շնորհիւ թաղաւորի բարձր հովանաւորութեան զործ զրուեց և արագ տարածուեց: Գանիայից ծաղկահատութիւնը շուտով անցաւ Շվեյցիա և Նորվեգիա, ուր նոյնպէս զործ զրուեց: Սյոգ ժամանակները իշխանուհի Լուիզայի ցանկութեամբ Ձէններն ուղարկեց ծաղկի թարախը Պրուսիա: Իշխանուհին առաջիններից մէկը եղաւ, որ պատուաստեց իրեն ծաղիկը այդ նոր միջոցով: Բերլինում հաստատուեց արքայական ճեմարան ծաղկի պատուաստման համար, որտեղ ժողովրդին բաժանվում էր տպած բացատրութիւններ ծաղկահատութեան մասին և խորհուրդներ օգտուելու նորանից: Սյն ծնողների համար, որոնք իրենց երեխաներին բերում էին ճեմարան, ծաղիկը կտրելուց 7 օր յետոյ ձուլեցին առանձին մեղալներ, վրէն պրուած Ձէնների անունը և նորա ծննդեան օրը:

Իտալական աէրութիւնը նոյնպէս ընդունեց ծաղկահատութեան օգուար. այդ պորժին հսկող նշանակուեց բժիշկ Սակիօն: Իւր նամակում, որ պրուած է հոկտեմբերի 16-ին 1801 թուին, նա հաղորդում է

Ձէններին մի շատ ուրախալի լուր. Լօմբարդիայի մէկ փոքրիկ տեղում Սակիօն դաեղ է իսկական ծաղկի հիւթ, այսինքն դաեղ է ծաղկով հիւանդ կովեր: Պատուաստողներից շատերը յետոյ ենթարկուել են ծաղկի վարակմանը, բայց նա ազդեցութիւն չէ ունեցել նոյա վերայ: Ոչ մի բան չէր կարող աւելի զեզեցիկ կերպով հաստատել Ձէնների զիւտի բարերարութիւնը:

Բայց ծաղկահատութեան տարածուելու մէջ, ամենազործունեայ մարդն էր Վիէննայի բժիշկ Դէ-Կարրօն: Նա ամենից լաւ հասկացել և գնահատել էր Ձէնների գիւտը. սկիզբը ծաղկի թարախը Դէ-Կարրօն ստացել էր Սնգրիայից, Պիրսօն բժշկից. բարեբախտաբար ծաղկի հիւթը լաւ տեսաին է դուրս եկել և այդ պատճառով Վիէննայի բժիշկը կարողացել էր պատուաստման շաա յաջող փորձեր անել: Ամենամեծ ուրախութեամբ Դէ-Կարրօն հաղորդել էր Ձէններին այդ յառաջագիմութիւնների մասին և մի և նոյն ժամանակ խնդրել էր նորան ուղարկել ուղղակի կովերից վերցրած ծաղկի թարախ, որովհետեւ Աւստրիայում անհնար է գտնել, քանի որ այնտեղի եղջիւրաւոր անասունների մէջ բոլորովին չկայ ծաղկի հիւանդութիւնը: Ի հարկէ Ձէններն ուրախութեամբ կատարեց իւր վիէննայի ընկերի և աջակցի խնդիրը և ծաղկի հիւթի հետ ուղարկեց նոյնպէս իւր

րասներ, թէ ի՞նչպէս պէտք է պահպանել նորան:

Լեհացոց թագաւորի քոյր իշխանուհի Զամոյսկայան, որ այն ժամանակ ապրում էր Վիէնայում, ուղարկել էր Դէ-Կարրո բժշկից ստացած ծաղկի հիւթը Լեհաստան իւր աղջկան, իշխանուհի Մնիշեկին, որն իսկոյն պատուաստել էր նորանով իրեն երեխաներին և յետոյ տարածել էր ամբողջ տէրութեան մէջ:

Վերջապէս Ջէնների գիւտը հասաւ և Ռուսաստան: Այդ հոկտեմբերին էր, 1801 թուին: Այն ժամանակ արքունիքը գանվում էր Մոսկուայում Աղէքսանդր Ա-ինի թագադրութեան առթիւ: Այդ ժամանակ բրժիշկ Ֆրիդէն ուղարկել էր Բրեսլաւից փոսկրէ ասեղների վերայ ծաղկի թարախի մասնիկները խրատներով, թէ ի՞նչպէս պէտք է օգտուել նորանից: Այրիացած թագուհին այդ ծաղկի հիւթը իրեն հովանաւորութեան տակ առաւ, և կամեցաւ, որ այն առջին երեխան, որ Ռուսաստանում կրպատուաստուի կովի ծաղկով, կրէ մի անուն, որ յիշեցնէ մեծ գիւտը: Առաջին փորձի համար բերին որբանոցից մի աղջիկ, որը նոր միջոցով պատուաստուեց և ստացաւ «ծաղկահիւթեան» ազգանունն (Вакцинова): Այդ երեխան ապահովուեց ամբողջ կեանքում շնորհիւ թագուհու առատաձեռնութեան: Այդ ժամանակուանից ծաղկահատութիւնը քիչ-քիչ սկսեց տարածուել

Ռուսաստանում և ունեցաւ հետևողներ: Թագուհին պատուեց ինքնաձեռագիր նամակով և թանգագին ընծաներով Ջէններին: Մի քանի տարուց յետոյ Աղէքսանդր Ա. շատ եռանդով աջակցում էր ծաղկի պատուաստելու տարածմանը: Նորա կամքը կատարողն էր բժիշկ Բուտտայ, որ ձանապարհորդեց համարեա ամբողջ Ռուսաստան այն նպատակով, որ ամեն տեղ մտցնէ ծաղկահատութիւնը: Կազմուեց և հրատարակուեց բժշկական-մարդասիրական ընկերութեան հաշուով մի բրոշուր «Խրատ ծաղկի պատուաստման մասին», որ Ղազանում յետոյ թարգմանուեց թաթարերէն, տարածուեց օտար ցեղերի մէջ և հասաւ Սիբիր՝ Իրկուտսկից մինչև Կամչատկա կղզիները և հիւսիսային Չինաստան:

Զնայելով ահագին զժուարութիւններին, կովի ծաղկի հիւթը հասաւ և չնդկաստան: Ջէնները մի քանի անգամ ուղարկեց այնտեղ ծաղկի թարախ, բայց ձանապարհին փչացաւ: Յետոյ նա հնար գտաւ նորան թարմ պահպանելու և պէտքական անելու երկար ժամանակուայ ընթացքում, բայց այդ գտաւ այն ժամանակ, երբ արդէն կովի ծաղկի հիւթը չէ նորհիւ Դէ-Կարրոյի աշխատութեանը և ճարպկութեանը ստացուել էր չնդկաստանում և արագ տարածուել էր այնտեղ: Ջէնների առաքինի աշխատակիցը Վիէնայում մտածեց այսպիսի միջոց կովի

Ճաղկի հիւթը հնդկաստան ուղարկելու. նա անդ-
ղիական քրքրած քաթանը թաթախեց թարախով,
դնելով նորան երկու ապակիներէ մէջ, որի կողքի
ձեղքերը ամրացրեց մոմով և Կարսեցի արկղներէ մէջ,
որոնք լեքն էին թղթի կտորանքներով: Այդ կեր-
պով կովի ճաղկի հիւթը գնաց Բօսֆօրից սիլիզը
Բաղբաղ անդղիական հիւպատոսի մօտ. այնտեղ
ապրիլի 5-ին, 1802 թուին, նորանով շատ մարդիկ
պատուաստեցին, իսկ յետոյ նորից ճանապարհ ըն-
կաւ դէպի Բասսուրա՝ հիւպատոսի մօտ, որտեղ
40 մարդ պատուաստեցին, որոնց մէջ կային և մի
քանի նաւաստի, որ շուտով վերադառնալու էին
հնդկաստան՝ Բոմբէյ: Այստեղ կովի ճաղկի հիւթը
յուլիսի վերջին հասաւ: Բոմբէյից տարածուեց ամ-
բողջ հնդկաստան առանց դժուարութեան. բնիկները
լաւ աչքով էին նայում դորա վերայ, որովհետև նա
կովից էր առաջ եկել. իսկ այդ կենդանուն հնդիկ-
ները սուրբ էին համարում: Կառավարութիւնը իւր
կողմից բոլոր միջոցները գործ դրեց, որ շուտով և ամեն
տեղ հնդկաստանում տարածուի ճաղկի պատուաս-
տումը. նա մինչև անգամ որոշեց ընծայ առ 5 Փունս
ստերլինգ նորան, ով որ պատուաստէ 100 մարդու:
Հետաքրքիր է այն հնարը, որի միջոցով սպանա-
ցիներն ուղարկեցին ճաղկի թարախը Սալանտեան
ովկիանոսով դէպի իրենց ամերիկական գաղթական-

ները: Այն ժամանակ ծովագնացութիւնը դէպի Ամե-
րիկա շատ երկար էր տևում, այնպէս որ այդքան
ժամանակ կովի ճաղկի հիւթը թարմ պահելը ան-
հնար էր: Սպանական կառավարութիւնն օգտուեց
Ջէնների հնարած միջոցով. նաև նստեցնում էին մի
քանի երեխաների. զնալուց առաջ նոցանից մէկին
պատուաստում էին թարմ կովի ճաղկով. նա իւր
ժամանակին բռնում էր և դուրս էր տալիս լաւ
ճաղկի վերքեր, որոնցից հանում էին թարախը, կրբ
նոքա լաւ հասունանում էին և պատուաստում էին
միւս երեխային. դորանից տալիս էին երրորդին, եր-
րորդից չորրորդին և այլն. այդպէսով, քանի որ նաւը
զեռ ճանապարհին էր, ճաղկի թարախը, այսպէս
ատած, պահպանվում էր մարդկային կազմուածքի
մէջ: Վերջին երեխան, որ պատուաստուած էր նաւի
վերայ և ճաղիկը հասաւ Ամերիկային մօտենալու
ժամանակ, թանգաղին հիւթի տարածողն եղաւ
կենդրոնական և հարաւային Ամերիկայում: Սկսուել-
կոյից խաղաղ ովկիանոսի վերայով կովի ճաղկի հիւ-
թը ճանապարհ ընկաւ նոյն կարգով դէպի Փիլիպ-
պեան կղզիները, Մակաօ և Կանադոն:

Այն ժամանակ կատարուեց Ջէնների մարդարեու-
թիւնը. իրզայ ժամանակ, կրբ կովի ճաղկի հիւթը
կրատարածուի ամբողջ երկրիս երեսը:

Ը.

Ջէնների զիւտի բարիքը պարզվում էր աւելի և աւելի, և շնորհակալութեան զգացմունքը զէպի հրնարողը օրէ-ցօր արտայայտվում էր աւելի բարձր: Ամսաթերթերում սկսեցին տպուել, որ անվայել է մի մեծ ցեղի թողնել դօքտօր Ջէններին առանց վարձատրութեան, որին նա համարում էր իւր որդին և որով պէտք է պարծենայ ամբողջ աշխարհի առաջ:

Անդդիացոյ հասկացողութեամբ Ջէններն իրաւունք ունէր խնդրելու իրեն համար ազգային պարգև: Իսկ խօսել իւր ծառայութիւնների, աշխատանքների մասին, հաշուել իւր բերած օգուաները և նոցա համար պարգև խնդրել, այդ ՚ի հարկէ անյարմար գործ էր: Կասկած չկայ, որ Ջէնները պարգև ստանալու համար չէր աշխատում, այլ միայն թշուառ մարդկութեան օգուտ բերելու ցանկութիւնից զրուում. այդ պատճառով նա չէր վճռվում երկար ժամանակ յայտնել իւր իրաւունքները այդ շնորհակալութեան մասին. բայց ընտանեկան գործերը, մօտեցող ծերութիւնը և զխաւորապէս ընկերների ստիպողական համոզմունքը, ստիպելին նորան վերջապէս ծնշելու իւր մէջ այդպիսի զէպքերում եղած բնական հպարտութիւր և զիմելու այդ ան-

յարմար գործին: Մայիսի 18-ին 1802 թուին նա սուեց խորհրդարանին պաշտօնական խնդիրք, այսպիսի բովանդակութեամբ.

« Ի նկատի առնելով.

1) Խնդրողն զիւար թէ այն հիւանդութիւնը, որ երևում է ընտանի կենդանիների մէջ մի առանձին կերպ և յայտնի կովի ծաղիկ անունով, շատ հեշտութեամբ և անվտանգ կարելի է պատուաստել մարդուն և աղատարար ազդեցութիւն ունի միանգամայն պահպանելու ամբողջ կեանքը ծաղիկ վարակումից այն մարդուն, որ պատուաստուել է դորանով:

2) Որ խնդրողը առարկան աշխատասիրութեամբ հետազօտելով, առանց հոգս քաշելու իւր անձնական և մասնաւոր օգտի մասին և աշխատելով հաստատել բարօրութիւնը և ապահովութիւնը քաղաքացիների ու ամբողջ մարդկային ցեղի, չկամեցաւ ծածկել իւր գտած պատուաստման նոր միջոցը, այլ անյապաղ յայտարարեց ամեն բան ընդհանուրի զիտութեան, ինչ որ զիտէր և հաղորդակցութեամբ ուրիշ երկրների և ամբողջ աերութեան բժշկների հետ եռանդով աշխատեց տարածել իւր զիւտը և իւր աշխատանքների պտուղը, ինչքան որ հնարաւոր էր:

3) Որ այդ զէպքում խնդրողն ցանկութիւնը միանգամայն կատարուեց, որովհետև կովի ծաղիկով

պատուաստումը արդէն տարածուած է մեծ մասով լրուատոր աշխարհի մէջ և մանաւանդ օգուտ բերեց հայրենիքին և կառավարութեան կամքով տարածուեց զօրքի և նաւատորմիղի մէջ:

4) Որ այդ ծաղկի պատուաստման համար նշանակած նոր միջոցը յաղթելով բնական ծաղկին, ոչնչացնում է ընդ միշտ նորա վարակումը:

5) Որ անհամար փորձերը, որոնք կարևոր էին նոր միջոցի զարգացման և կատարելագործման համար, ոչ թէ միայն շատ ժամանակ են խլել խնդրողից, այլ և նորան ենթարկել են բաւական ծախսերի ու անհանգստութիւնների և հեռացրել են նորան սովորական, իրեն կոչման վերաբերեալ պարապմունքներից, որոնք կարող էին նորա ամբողջ կիանքը ապահովել, այն ինչ նոր արհեստը դեռ չէ կարող նորան վարձատրել:

Խնդրողը այդ բոլոր վերոյիշեալների առթիւ յայտնելով իւր յարգանքը բարձր ժողովին, խոնարհաբար խնդրում է ուշադրութիւն դարձնել ներկայացրած խնդիրքի շարժառիթի վերայ և շնորհել նորան մի պարգև, ինչ որ ժողովը կրբարհւհածի»:

Խորհրդարանը ստանալով այդ խնդիրքը, նշանակեց մի առանձին յանձնաժողով, որը պարտական էր որոշելու. 1) Ձէնների զիւտի օգուտը. 2) արդեօք հաստատ այդ զիւտը պատկանում էր խնդրողին, թէ

մի որ և է ուրիշին և 3) ակղեկանալ այն օգուտների մասին, որ ստացել է հնարողը այդ զիւտից:

Քննութիւնը սկսուեց:

Սնկասկածելի օգուտը միաձայն խոստովանեցին բոլոր բժիշկները և ոչ-բժիշկները:

Ձէնների զիւտի սեփականութեան իրաւունքը, թէև մի քանիսը հերքում էին (Պիրսօն), բայց հաստատուեց շատ վիաներով, որոնցից մէկը՝ Սէր Գօմ անունով՝ ցոյց աւելց, որ Ձէնները դեռ 1788 թուին տարել էր Լօնդօն կովի ծաղկի նկարը, որը պարզ ցոյց էր տալիս նորա նախապատրաստական գործերը ծաղկահաստութեան հարցին վերաբերեալ: Գարդները հաղորդեց իւր զբօսնելու մասին Ձէնների հետ մայիսուան օրը, 1790 թուին, Բրիտաօլիայի ճանապարհի վերայ, երբ ընկերը իւր զիւտի զաղանիքը բացեց և խնդրեց առ ժամանակ չտարաձայնել: Գրտնուեցան մարդիկ, որոնք յիշեցին թէ 1771 թուին Գէնսերը Ձէնների հաղորդած լուրերի մասին ասել է, թէ կովի ծաղիկը բարերար յասկութիւն ունի, որ պաշտպանում է մարդիկներին բնական ծաղկից: Էլի շատ ցուցումներ եղան, որոնք այսպէս թէ այնպէս հաստատուեցին, որ պատուաստման զիւտը անշուշտ պատկանում է Ձէններին:

Իսկ ինչ վերաբերում է օգուտներին, որ Ձէնները ստացել է իւր զիւտից, յանձնաժողովը ամենից ա-

ուջ հարց զրեց որոշելու, թէ ի՞նչ աշխատանքներ, ծախսեր և ժամանակի կորուստ ունեցել է Ձէնները այդ զիւտից: Իսկ որ երկար ժամանակ ծաղկահատութեան հետազօտութիւնը հեռացրել է նորան արդիւնաւոր պարապմունքներից, այդ մասին խօսք անգամ չէր կարող լինել. այդ պարզ էր ամենի համար, ով որ զո՞նէ հարեանցի Զգիտէր Էնների արած անհամար խուզարկութիւնները, փորձերը, նկարները, յիշատակարանները և ճանապարհորդութիւնները իրեն զիւտի համար: Յետոյ, երբ այդ զիւտը հրատարակուեց, Ձէնները համարեան չէր շահվում նորա օգուտներով, որովհետեւ բոլոր բժիշկները սկսեցին պատուաստման նոր միջոցը գործադրել և նոցանից ամեն մէկը, ՚ի հարկէ, այդ գործից աւելի մեծ օգուտ էր ստանում, քան թէ ինքը հնարողը, որի աշխատանքը, հոգսը և չարչարանքը պլաստորապէս այն էր, թէ որչափ կարելի է շուտ տարածուի այդ նոր պատուաստումը երկրիս վերայ:

Բացի այդ՝ Ձէնները, աշխատելով իւր գործի վերայ, միշտ ապրում էր իւր անակում մի յետ ընկած զիւղում, ուր չէր կարող լինել ընդարձակ և արդիւնաւոր գործադրութիւն: Իսկ բացի այդ բոլորից՝ նոր միջոցի հետազօտութիւնների ժամանակ՝ Ձէնները ստիպուած էր անհամար ծախսեր անելու, որոնք ծանրացել էին նորա համեստ անտեսութեան վերայ:

՚ի նկատի առնելով այդ բոլոր հանգամանքները և ընդունելով, որ Ձէնների զիւտը չափազանց բարերար էր, քանի որ մինչև նորա յայտնուելը միայն Բրիտանիայում ամեն տարի ծաղկից մեռնում էր, միջին թուով, 45,000 մարդ, յանձնաժողովը խոստովանեց, որ դօքտօր Էդուարդ Ձէնները ազատիչ է միլիոնաւոր մարդկների, որ և արժանի է շնորհակալութեան և փարձատրութեան անզղեակիսն ազգի կողմից, որի մէջ նորան վիճակուած էր ծնուել և ցոյց տալ իւր աստուածատուր հանձարը:

Երկար զբազրութիւնից յետոյ տէրութեան զանձապետի հետ, որից մասամբ կախուած էր վարձատրութեան չափի որոշումը, վճռուեց Ձէններին տալ միանգամից 10,000 ֆունտ ստերլինգ:

Ձէնների ընկերները չափազանց վերջովուած էին այդպիսի աննշան վարձատրութեան համար: Ամեն տեղից լսվում էին խորհուրդներ, յանդիմանութիւններ ժլատութեան և անշնորհակալութեան համար, որոնք վայր էին ձգում Անգղիայի արժանաւորութիւնը: Ասում էին, թէ Ձէնները, ինչպէս խոստովանեց կառավարութիւնը, ամեն տարի փրկում էր մահից 40,000 մարդ, որոնք իրենց աշխատանքով աւելացնում են երկրի հարստութեանը ամենաբիշք 200,000 ֆունտ ստերլինգ. ուրեմն ի՞նչպիսի անթիւ գումարներ կրհաւաքէ իւր հայրենիքի համար ապա-

գայում: Օրինակներ էին բերում, թէ ինչպէս ուրիշ երկրներ կարողանում էին վարձատրել իրենց որդիներին նոցա աւելի քիչ մեծ ու բարերար գործերի համար, քան թէ Ձէնների զիւսն էր: Առաջ էին բերում, թէ հնարողը ծաղկի հարցի համար աշխատելով, մեռցրել է իւր կեանքի ամենալաւ 30 տարեքը, որի ընթացքում նա բժշկութեամբ պարապելով, կարող էր խնայողութեան միջոցով կազմել ծերութեան ժամանակ աւելի մեծ գումար, քան թէ այդ 10,000 Ֆունտ ստերլինգը: Իսկ ո՞ր կրման նորա անասելի աշխատանքներն ու բարոյական տանջանքներն, որոնց նա համբերել է և որոնք անկասկած նորա առողջութեան վերայ ներգործել են:

Ձէնների բարեացակամները այնպէս էին հոգս քաշում նորա վիճակի բարւոքման մասին և այնպէս վճռողաբար պահանջում էին աւելացնել վարձատրութիւնը, որ 4 տարուց յետոյ տէրութեան դանձապետը լորդ չենրի Պեաին ստիպուած էր զիմել խորհրդարանին այս խնդիրքով՝ առաջարկել արքայական բժշկական ընկերութեանը քննել, թէ ի՛նչպիսի յառաջադիմութիւն է արել պատուաստումը վերջին տարիներում և թէ ի՛նչ պատճառներ են յետաձգում նորա տարածուելը հայրենիքի մէջ և եթէ երևի, որ նա նոյնպէս բարերար ազդեցութիւն կունենայ Անգլիայում, ի՛նչպէս ուրիշ

անգերում, այն ժամանակ քննել, թէ արդեօք Ձէնները վարձատրուած է՞ ծառայութիւնների համեմատ:

Այդ յայտարարութեան առթիւ խորհրդարանը որոշեց խնդրել թագաւորին, որպէս զի նա յանձնէ բժշկական ընկերութեանը քննութիւն սկսել պատուաստման յառաջադիմութեան մասին:

Յանձնարարութիւնը կատարուեց և քննութիւնը նորից սկսուեց:

Իժիշկները և նախանձողները, որ Ձէնները բաւական ունէր, իրար անցան և դուխները բարձրացրին: չիմաց նոցա յարմար առիթ եղաւ հնարողին վշտացնելու. ամեն միջոցների դիմել էին, որպէս զի վայր ձգեն Ձէնների նշանակութիւնը և արժանաւորութիւնը. նորան սպաղրութեամբ անուանում էին խաբեբայ. դուրս եկան ուրուպատիկներ և նկարներ, որոնց վերայ երևում էին թէ ինչպէս կովի ծաղկով պատուաստած մարդը կամաց-կամաց դառնում է եղ, նորա երեսը դառնում է մուռթ, մարմինը ծածկվում է մտղերով, ճակատին դուրս են գալիս եղջիւրներ և այլն:

Բայց այդ բոլոր անարժան ցոյցերը չօգնեցին Ձէնների չարակամներին: Քննութիւնը կատարվում էր ամենամեծ անաչառութեամբ և չափազանց զգուշութեամբ: Տարուայ ընթացքում հաւաքուեցին շատ վկայութիւններ և ծաղկահատութիւններ: Խնամա-

տարութեամբ հաւաքելով նոցա, բժշկական ընկերութիւնը եկաւ բարեյաջող եզրակացութիւններ: Ծաղկահասութեան տարածման ահագին քանակութիւնը և նորանից ստացուած անչափ օգուտը հիմայ վերջնականապէս ընդունուեց անկասկածելի ապացոյցների տեղ:

Այդ առթիւ յուլիսի 20-ին, 1807 թուին, պետական դանձապետը առաջարկեց խորհրդարանին տալ Ձէններին վարձատրութիւն էլի 10,000 ֆունտ ստերլինդ, բայց խորհրդարանը ձայների բազմութեամբ կրկնապատկեց այդ գումարը և Ձէնները ստացաւ 20,000 ֆունտ ստերլինդ:

Բացի այդ ազգային շնորհակարութեան զգացմունքից և համակրութիւնից Ձէնները բազմ ունեցաւ ստանալու մի քանի անգամ երախտագիտութեան հաւաստիք մասնաւոր մարդիկներից իւր զիւտի համար: Այդպէս իրեն հայրենիքի Գլոչեստր իշխանութեան նշանաւոր բնակիչները ընծայեցին նորան նուրբ շինուած թանգազին արծաթեայ սերվիզ: Ննդկաստանի բնակիչները ստորագրութեամբ հաւաքեցին 7383 ֆունտ ստերլինդ և ուղարկեցին «անմահ հնարողին»: Գիտնական ընկերութիւնները, համալսարանները և ձեմարանները ուղարկեցին նորան վկայականներ՝ նշան իրենց յարգանքի: Նորան գրում և վարձատրում էին շատ թաղաւորազն անձինք: Գոռոզ Նապօլէօնը մէկ

անգամ դէպք ունեցաւ յայտնելու նորան իւր յարգանքը:

Փարիզում տանջվում էին մի քանի անգղիական գերիներ: Նոցա ազատութեան համար բանակցութիւն կար. բայց Նապօլէօնը յամառուել էր և բանակցութիւնը հետեանք չունեցաւ. այն ժամանակ մի քանի դժբախտների համար միջնորդեց Ձէնները և սկսեց խնդրել, որ վերադարձնեն նոցա ազատութիւնը. այդ միջնորդութեան մասին յայտնեցին Նապօլէօնին:

—Մհ, Ձէնները,—ասաց կայսրը աշխուժով.—դորան կարելի չէ մերժել. ազատեցէ՛ք:

Թ.

Ամեն տեղից ստացուած լուրերը ծաղկահասութեան յաջողութեան մասին 'ի հարկէ շատ ուրախացում էին Ձէններին: Նա հիմայ ունեցաւ զործին անձնուէր աշակերտները, որոնք աշխատում էին կատարելագործել ծաղիկ պատուաստումը և նկատողութիւններ ու փորձեր էին անում:

Այդպիսի մարդիկների խելօք մասնակցութեամբ զործը արագ առաջ էր գնում:

Բայց մի և նոյն ժամանակ բաւական տրդելաօրիթ հանդամանքներ կային և համարեա թէ նոցանից ամենանշանաւորը ինտելեկտայիան է, որ չնայելով

Ճաղկահատութեան ամենուրեք ընդունուելուն, դեռ շարունակվում էր և պահպանվում այն մարդիկների մէջ, որոնք չէին հաւատում Ձէնների զիւտին: Ծաղկի պատուաստման այդ երկու միջոցների ամենուրեք գոյութիւնը շատ վնասում էր ճաղկահատութեանը. քանի որ պահպանվում էր ինօկուլեացիան, հաշուել գծուար էր ճշտութեամբ այն հետեանքները, զէպի որը տանում է Ձէնների զիւտը, որովհետեւ ինօկուլեացիան, ինչպէս վերեր ասուեց, ընդհանրապէս օգնում էր միայն ճաղկի տարածուելուն. նա պահպանուեց միայն մինչև 1822 թիւը, երբ բոլորովին գործադրուելուց զուրս կհաւ մասամբ Ձէնների զիւտի, մասամբ էլ վարչական կարգադրութիւնների շնորհիւ: Յետոյ մի ուրիշ փորձանք կրեւաց. 1824 թուին սկսեցին յաճախ պատահել ճաղկահատութեան անյաջող փորձեր. Ձէններին հաղորդում էին որ շատերը, չնայելով որ առաջ պատուաստուած են կողի կովի ճաղկով, յետոյ ստացել են իսկականը, իսկ մի քանիսն էլ ունեցել են վարակման բոլոր նշանները, նոյն իսկ պատուաստելուց: Հասկանալի է, որ այդ բոլորը առաջ էր գալիս թարսիսի վատութիւնից որով պատուաստում էին: Ձէնների տեղեկութիւններից զուրս կհաւ, որ շատ բժիշկներ, պատուաստման համար թարսիսն առնում են ճաղկի երեւալուց 13 օր յետոյ, այն ինչ նա պէտքական է լինում միայն

եօթերորդից մինչև տասերորդ օրը. մի քանի բժիշկներ չէին կարող որոշել իսկական ճաղկի վերքերը ոչ-իսկականից, թէև այդ բոլորովին գծուար չէր. նորա մինչև անգամ չգիտէին, որ պատուաստման համար թարսիսը միշտ պէտք է հեղուկ լինի և որ նորան պէտք է վերցնել ոչ թէ կամեցած ժամանակ, այլ երբ ճաղկի վերքը լեւիատար հասունանայ, որովհետեւ իսկ ճաղկի հիւթով պատուաստուողները յետոյ հեշտութեամբ կարող են վարակուել բնական ճաղկով. կովի ճաղկի հիւթից վարակուելը նոյնպէս առաջ էր գալիս նորա փչացած լինելուց և այդ իսկական կովի ճաղկի հիւթ չէր, այլ թարսիս, որը խառն էր վարակիչի հետ, կամ փչացած էր վերջինիս ազդեցութեան տակ:

Ձէնների չարահամներն առաջ էին բերում այդ անաջողութիւններն իբրև ապացոյց, որ ճաղկահատութիւնն առհասարակ անգոր է. մինչև անգամ ասում էին, որ նա ինքը չէ հաւատում նորան, որովհետեւ չէ վճռել իրեն կրեխաններին պատուաստել կովի ճաղկով, այլ պատուաստել է իսկականով: Ուզենար, չուզենար Ձէնները ստիպուած էր արդարանալ, որովհետեւ այդպիսի մեղադրանքները կարող էին տատանել հասարակաց հաւատը զէպի նա: Նորա բացատրութիւններից երեւեցաւ, որ յիրաւի նա իւր երկու մեծ աղաներին պատուաստել է բնական

Ճաղկով, բայց այդպէս արել է նորա համար, որ այն ժամանակ նա դեռ չէր սկսել կովի ծաղկի հիւթով պատուաստել. իսկ Րօբերտը երկրիս երեսին առաջիններից մէկն է եղել, որ պատուաստուել է կովի ծաղկով, բայց նա չդիտեմ ինչո՞ւ չընենց: Ջէնները այն ժամանակ ապրում էր Չելտենգամի ջերմուկներում և չէր կարող կրկնել պատուաստումը, չկամենալով վախեցնել հասարակութեանը, որը եկել էր այնտեղ բժշկուելու և կարող էր կասկածել, որ այդ տեղում սկսվում է ծաղկի վարակումը. յետոյ Րօբերտը վարակման վտանգի մէջ էր, բայց հակառակի նման այդ ժամանակ Ջէնները չունէր կովի ծաղկից և շտապեց պատուաստել իսկականով:

Բայց չնայելով այդ բացատրութիւններին, շատ ամսաթերթեր շարունակում էին պատերազմել Ջէնների հետ:

Մանաւանդ մէկ դէպք 1811 թուին Ջէններին շատ յուզեց: 10 տարի դորանից առաջ ինքը պատուաստել էր մի հարուստ և ազնուական ընտանիքի տղայի ծաղիկը և յանկարծ այդ տղան, որ հիմա արդէն 26 տարեկան երիտասարդ էր, հիւանդացաւ իսկական ծաղկով: Չորրորդ օրը տաքութիւն երևեցաւ. երեսը ծածկուեց ծաղկի վէրքերով, մէկ խօսքով բոլոր վարակման նշանները կային. սկիզբը հիւանդութիւնը այնպէս ծանր էր և արագ զարգանում էր,

որ բժիշկները յոյս չունէին թէ նա կառողջանայ: Բայց տղան բարեբաղդաբար շուտով բոլորովին առողջացաւ. նկատուեց, որ այդ հիւանդութեան վերջին շրջանը շարունակուեց աւելի քիչ, քան թէ լինում է սովորական բնական ծաղկի ժամանակ. իսկ այդ անկասկած նորանից էր յառաջ եկի, որ հիւանդի կազմուածքի մէջ եղել է հակառակ ազդեցութիւն, որը կովի ծաղկի հիւթով մտել է նորա մէջ:

Սյդ դէպքը շատ աղմուկ բարձրացրեց: Ծաղկահատութեան հակառակորդները սկսեցին կրկին յարձակուել Ջէնների վերայ. բայց նոքա մոռանում էին, թէ երբեմն ծաղիկ հանում են այն մարդիկ, որ ունեցել են յառաջ իսկականը. այդ դէպքերը հազուադիւս են, բայց պատահում են: Իսկ դորանից հետեւում է, որ թէ բնական և թէ պատուաստած ծաղկի ոյժը, թէև շատ մեծ է, բայց անպայման չէ. արդէն բաւական է այն, որ նա մեծ մասամբ ապահովում է հիւանդութիւնից: Եւ այդ է մարդիկների արդարութիւնը. քանի որ Ջէնների գործադրութեան ժամանակ ոչ մի անյաջողութիւն չէր երևում, այն ժամանակ բոլորը լուռ էին. բայց ահա, երբ պատահեց հիւանդութեան կրկնումը, միակ դէպքը, աղմուկ բարձրացաւ. այդ մէկ դէպքը օրինակ բերելով, յայտարարում են թէ ծաղկահատութիւնը առհասարակ անպէտք է:

Մի և նոյն ժամանակ տարեցտարի քանի դնում
աւելի և աւելի հաստատուում էր կովի ծաղկի հիւ-
թի բարերար ազդեցութիւն. 1812 թուի հաշիւ-
ներից երևում է, որ մի քանի երկրներում ծաղկա-
հատութիւնը բոլորովին արմատախիլ է արել ծաղկի
հիւանդութիւնը: Այդպէս եղել է Գաւաննայում,
Իսպանիայի հարաւ-ամերիկական գաղթականների
մէջ, Միլանում և Վիէննայում: Գողղեայում այդ
ժամանակներն արդէն պատուաստել էին 2,671,662
մարդիկների և այդ ահագին թուից յետոյ միայն
եօթ հոգի վարակուել էին: Ռուսաստանի պալատա-
կան բժիշկ Կրիչաօնը սեպտեմբերի 12-ին, 1812
թուին, ուղարկել էր Ձէններին մի տեղեկագիր, թէ
ամեն մի նահանգում, սկսած 1804 թուից մինչև
1812 թիւը, սրչափ մարդու են պատուաստել: Եւ
այդ տեղեկագրից երևում է, որ բոլոր պատուաստած
երկեսաների թիւը հասնում է մինչև 1,235,597-ի:
Եթէ ուղիղ է, որ յառաջ ծաղկից ամեն 1 երեխա-
յից մէկը մեռնում էր, ուրեմն հիմնայ հաստատ կա-
րելի է ասել, որ Ձէնների զիւար մահից փրկել է
178,514 մարդիկների: Աղէքսանդր Ա. կայսրը շատ
համակրութեամբ էր վերաբերվում դէպի ծաղկահա-
տութեան գործը և ամեն միջոց գործ էր դնում
նորան տարածուելու համար: Մայիսի 3-ին, 1811
թուին, նա հրաման տուեց, որ ամեն մի նահանգում

և դաւառում հաստատուեն ծաղկի յանձաժողով-
ներ: Ռուս ժողովուրդը այն ժամանակ շատ կոպիտ
և սոգէտ դրութեան մէջ էր. ծաղկի պատուաստման
վերայ նա նայում էր ինչպէս «սաստանայի կնիքի» և
այդ պատճառով ամեն կերպ խոյս էր տալիս նորա-
նից. ուսու մարդը աւելի շուտ պատրաստ էր մեռ-
նելու, քան թէ թոյլ տալու, որ թեւի վերայ ճեղ-
քեր անեն և մէջը ծաղկի թարախ լցնեն: Տէրու-
թեանը այդ լաւ յայտնի էր և նա ամեն ջանք գործ
դրեց մրցելու նախապաշարմունքների հետ. հոգեորա-
կանութեան վերայ պարտ դրուեցաւ քարոզելու ժո-
ղովրդին և համոզելու, որ թոյլ տայ ծաղկիը կտրե-
լու: Ուրիշ միջոցներ էլ գործ դրուեցին, բայց չնա-
յելով դոցա, ծաղկահատութիւնը Ռուսաստանում
շատ դանդաղ էր տարածվում, թէև նորա լաւ պը-
տուղները արդէն զգացվում էին:

1818 թուին սարսափելի ծաղկի էր ընկել Էդին-
բուրգում և Շոտլանդիայի միւս քաղաքներում. բայց
նորա ոյժը արդէն բաւական թուլացել էր Ձէնների
զիւտի շնորհիւն: Բժիշկ Կրոսսը այդ ժամանակ բը-
ժըշկում էր Նորվիչում 603 հիւանդ: Այդ թուից
200-ը առաջ չէն ունեցել ծաղկի ոչ մի տեսակը.
նոցանից մեռել են 46, այսինքն չորսից մէկը. 297
հոգի առաջ ունեցել են բնական ծաղկի և նոցանից
ոչ մէկը չէ մեռել և վերջապէս 91 հոգի, որ կովի

Ճաղկով պատուաստուած են եղել, բոլորը նոյնպէս լաւացել են: Ամբողջ քաղաքում 3000 մարդուց, որոնք առաջ չեն ունեցել ճաղկի ոչ մի տեսակը, 530 մեռել են (¹/₆), իսկ 10,000 մարդ, որոնք առաջ ճաղկի են հասնել բնական, կամ պատուաստած կերպով, թէև ապրում էին վարակուած մթնոլորտի մէջ, համարեա՛ բոլորն էր անվնաս մնացին: Այն ժամանակ բոլոր բժիշկները համաձայնեցին, որ կովի ճաղկի հիւթը, թէև ոչ միշտ պահպանուած է մարդուն հիւանդութիւնից, բայց ազատում է մահից, և հէնց հիւանդութիւնն էլ չպատուաստուած մարդիկների հիւանդութիւնից անհամեմատ թեթև է լինում:

1814 թուին, երբ Նապոլէօնի պատերազմները վերջացան, դաշնադիր թագաւորները այցելեցին Լօնդօն: Աէններին ներկայացրին մեծ իշխանուհի Եկատերինա Պավլօվնային և նա հիացած մնաց նորա սիրտիր վարմունքից. և ուստաց կայսրը ասաց նորան. «Դօքտօր Աէններ, դուք պէտք է որ շատ բազաւոր լինէք. մարդկութեան համար ձեր արած բարիքը պէտք է լինի ձեզ համար երջանկութեան մի անհասնելի աղբիւր, և ես ուրախ եմ լսելով, որ դուք վայելել էք մարդիկների շնորհակալութիւնը, դովետար, և երախտագիտութիւնը»:

ժ.

Աէնների կեանքի մեծ խնդիրը վճռուեց և հիմայ նա կարող էր պարզ հայեացքով և հոգու հանդարտ ուրախութեամբ նայել իւր երկար տարիների աշխատանքի հետեանքների վերայ: Յուզմունքները, ծանր հոգսերը, անյաջողութիւնները, թշնամիները, ամեն բան մոռացվում էր այդ մեծ գիւտի առաջ, որ հիմայ ամուր հաստատուել է երկրիս վերայ և որի համար ամեն տեղից օրհնէնքներ էին լսվում հնարողի անունով: Յայտնի Գազզիւացի գիտնական Կիւվէն ասել է, որ եթէ ճաղկի պատուաստումը մեր դարու միակ գիւտը լինէր, միայն այդ էլ բաւական էր, որ նորան միշտ փառաբանէինք: Եւ այն ժամանակուայ ամենալաւ մարդիկը խոստովանում էին այդ խօսքերի ճշմարտութիւնը:

Աէնները չհեռացաւ իւր հանդարտ ու սիրելի ազարակից, այն է Անտրիի անակից Բերկլայում: Այնտեղից նա վարում էր իւր ընդարձակ թղթակցութիւնը. այնտեղ զալիս էին նորա ընկերները և այնտեղ նա շարունակում էր իւր գիտնական պարսպմունքները. նա հիմայ համարեա՛ միայնակութեան մէջ էր ապրում: 1815 թուին նորա մեծ որդին էգուարդը մեռաւ, իսկ դորանից 5 տարի առաջ զրկուեց

կնոջեց. փոքր որդիքը դեռ վարժարաններումն էին և միայն եղբոր որդի Ստէֆէնը համարեա՞ միշտ մօտն էր լինում:

Կեանքը սահում էր հանդարտ ու խաղաղ այդ միայնակութեան մէջ, որը Ջէններն երբէք չէր վճռովում փոխելու մայրաքաղաքի աղմուկի հետ: Ընկերական խօսակցութիւնները, զիւղական դատաւորի պաշտօնը, զիտնական զբաղմունքները, — սահ թէ նա հիմայ ինչով էր ապրում: Նա գեղեցիկ սարգեց ագարակը, ծաղկոց և պարտէզ անկեց, անասուններ դնեց: Ոչ հեռու այդտեղից մինչև հիմայ դեռ կայ Բարկլէյի գերեզմանոցի զանգակատունը, որն մինչև ամենավերին ծայրը փաթաթել է կանաչ և խիտ բաղեղը: Խորին պատկառանքով անցորդները կանգնում էին այդ բաղեղի առաջ և խոնարհեցնում զըլուխները. . . Սյդ անկել էր էգուարդ Ջէնները իւր կեանքի վերջին տարիներում: անկելիս ածայ նա. «Ո՞վ գիտէ, գուցէ՛ այս ձիւղը փաթաթէ մեր եկեղեցու ամբողջ զանգակատունը»: Սյդպէս էլ եղաւ:

Ջէնների պարապմունքի սենեակը, որտեղ նա անցնում էր իւր աշխատանքի ժամերը, նման էր մի թանդարանի լի ամեն տեսակ հագուստաւոր իրերով: Սյդտեղ կային հանքերի ժողովածու, կենդանիների խրտուելիւհներ, կմախքներ. պատերի վերայից կախուած էին երկրաբանական և ուրիշ քարտէղներ,

զանազան աղեսականեր, պատկերներ. պահարանների միջեց երևում էին գործիքներ. դարակները թեքվում էին մեծադիր դրքերի, թղթերի և այլօմների ծանրութիւնից: Տան մէջ կար և գրագարան, որտեղ Ջէնները սովորաբար անցնում էր իւր առաւօտեան ժամերը:

Սյդպէս սարքուել էր Ջէնները և անցնում էր իւր օրերը, կրկ կեանքի արեւը թերքվում էր արդէն դէպի արեւմուտք: Չնայելով նորա մեծ հասակին, առողջութիւնը լաւ էր, բայց մի քանի ժամանակից յետոյ նա ունեցաւ կաթուած. այդ հիւանդութիւնը Ջէններին պատահեց պարտէզում ման դալիս օգոստոսի 9-ին, 1820 թուին. նա յանկարծ ուշաթափ ընկաւ և նորան կիսամեռ տուն տարան, թէև այդ ցաւն անցաւ առանց հետեանքի. Ջէնները շուտով լաւացաւ և կեանքը ընթանում էր առաջուան պէս: Բայց յունուարի 26-ին, 1823 թուին, կաթուածը կրկնուեց և այս անգամ մահաուիթ էր: Մեռնելու նախընթաց օրը Ջէնները այնպէս ուրախ էր, իրեն այնպէս լաւ էր զգում, որ ոտով գնաց հարեան զիւղը աղքատ ընտանիքներին փայտ բաժանելու համար: Սյնտեղից վերադառնալով, նա մտաւ Ստէֆէնի մօտ, որ պարապում էր նկարչութեամբ իրեն սենեակում: Ջէնները սիրում էր նորան տեսնել այդ գործով պարապելիս և միշտ նորան քաջալերում էր

դէպի գեղարուեստը: Ստէֆենը նկարում և անհոգ երգում էր մի շտախնդական երգ. «դու բոլորովին այնպէս չես երգում, բարեկամ», ասաց Ջէնները սենեակ մտնելով. «այ ինչպէս պէտք է երգել» և երգեց երկու թէ երեք տուն: Իուրսը շատ ցուրտ էր. Ջէնները, չխանդարելով Ստէֆենի պարապմունքին, բուխարին վառեց: Այդ ժամանակ մէկը ներս մտաւ. — «տեսնում է՞ք, Ստէֆենը նոր ծառայ ունի». հանաք արեց Ջէնները: Այդ օրն անցաւ ինչպէս միշտ: Առաւօտեան Ջէնները վերկացաւ սոփորական ժամանակ և գնաց իւր գրադարանը. նորանից ծառան անբաժան էր: Այդ օրը նախաձաշը ուշացրին. Ջէններն ուղարկեց ծառային խմանալու, թէ պատճառն ի՞նչ է ուշացնելու: Երբ ծառան վերադարձաւ, գտաւ իւր տիրոջը յատակի վերայ ուշաթափ ընկած: Շփոթումն ընկաւ. բոլոր անեցիկը վազեցին Ջէնների մօտ, բայց նա արդէն մեռած էր:

Այդպէս մեռաւ 74 տարեկան հասակում ծաղկահատութեան հնարող զօքտօր Էգուարդ Ջէնները. նորան թաղեցին Չենտրիի պարտէզում, ուր նա դեռ կենդանութեան ժամանակ նշանակել էր:

Մեծ էր կեանքի քաջութիւնը փառաւոր հնարողի և մեծ պէտք է որ լինի մեր շնորհակալութիւնը դէպի նա: Զանազան երկրների շատ բանաստեղծներ և նկարիչներ ոգևորուեցին նորա այն մեծագործու-

թիւներով և ժողովրդի մէջ ամրացրին յիշողութիւնը նորա մասին իրենց հեղինակութիւններով: Ջէններին նուիրվում էին վիպական երգեր, նկարիչները նորա պատկերն էին նկարում, դերասաններն իրենց երաժշտական հեղինակութիւնների մէջ փառաբանում էին նորան: Իտալացի քանդակագործ Մօնտեվերդէն շինեց մարմարից Ջէնների գեղեցիկ արձանը՝ բժիշկը նստած աթոռի վերայ զգուշութեամբ պատուաստում է ծաղիկը մի հիանալի երեխայի, որին նստացրել է իւր ծունկերի վերայ: Իժուար է աւելի պարզ պատկերացնել Ջէնների կեանքի նպատակը և ծառայութիւնը:

Եթէ վերցնենք մարդկային կեանքի միջին տեղութիւնը Ջէններից առաջ, այսինքն մինչև նորա զիւտը և համեմատենք նորան ծաղիկի պատուաստման ընդհանուր փոփոխութիւնից յետոյ, դուրս կը գայ, որ մեր երկարակեցութիւնը աւելացել է: Ջէնները մեզ երեք տարուայ կեանք է աւելացրել, ասաց Լապլասը և այդ խօսքերը կարող են ամենալաւ տապանազիր լինել Ջէնների շերտի վերայ:





1P

2013

11885

« Ազգային գրադարան



NL0072573

